



四三

正德十三年至十陸年

此册列在合錄

國權

國權
正德十三年
鹽官談遷孺木著

戊寅正德十三年

正朔丑朔
止在宣府群臣於奉天門選賀命婦朝
三宮如

常儀

壬寅太僕寺少卿何孟春為太僕寺卿

故右都御史朱英謚恭簡

賜鎮守浙江太監王堂生祠并護勅堂卜地西山多毀民居

古墓嘉靖初祠沒官杭人快之

佛郎機國遣加必丹末等入貢請封并給符驗廣東守臣謂
非職貢所載命遣還其方物
癸卯孫瑛嗣懷寧侯
建寧寇遠東湯站堡
良鄉涿武清固安多盜

五京師饑命戶部賑卹
六鎮守江西太監畢真請勅預南贛軍事兵部牽制寢之

談遷曰王恭襄好比群小獨重王新建置南贛假以兵柄雖畢真不少狗也專任責成毋或選制士大夫為國家

宣力非得託惡能勝其任而愉快乎

收河西延綏邊外命延綏副總兵朱鑾參將杭雄游擊周政劉軍安邊營指揮紀世樞馮大經軍便利城總兵柳

湧軍延綏寧夏總兵安國各守鎮副總兵路瑛游擊李永定軍清水營花馬池定邊營陝西總兵趙文右副都御史鄭陽

駐固原經略諸將聽自為戰守毋選制
傳遠東叅將蕭澤率三千人往保定安肅霸州捕盜

出內庫兵械
粟輸河間給總兵官張璽
山東飢民乞食京師命人給粟三斗還鄉聽賑

命右僉都御史李鉞督賑順天保定河間

甲辰天方國

亦把刺克入貢

乙巳禮部以

駕將還群臣具常服迎謁已傳旨用戎飾尋

賜文武群臣緋紵羅紗各一其綵繡一品斗升牛二品飛魚

三品蟒四品麒麟麟六七品虎彪翰林科道皆與焉不計品

惟郎屬五品下不與計五千匹有餘禮科都給事中朱鳴陽

等言戎飾非見君之服乞仍本等冠服不聽

丙午上還自宣府群臣戎飾迎德勝門外具彩障彩聯稱

威武大將軍俱署銜不稱臣又列羊酒白金綵幣手一紅梵

夾為賀比夜見

上乘赤馬佩劍邊騎簇擁見火毬起戈矛

間群臣伏道左

上下馬坐御幄大學士楊廷和奉觴梁儲

注酒蔣冕奉菓毛紀奉金花稱賀遂馳入豹門宿豹房時大

兩雪群臣多僕馬相失走泥淖濡衣過夜半入城

談遷曰

康陵急政至其末不勝狎矣諸大臣未抗顏爭

之且不必爭也倡率百僚冠帶如常儀雖逆上命亦無

所罪乃輒順其旨表易而詞帝易而无戎古有之乎吾未

之見也然

祚猶磐石焉者幸之哉天矣

竹溪縣天鼓鳴

庚戌歲上南郊畢復幸南苑南京禮部尚書吳儼等言事不
報
嵩明州地震

辛亥上自南苑還宮出御奉天殿行慶成禮

壬子地上夜御奉天殿宴群臣

辛癸丑莊浪衛有星光如電下隕頃之天鳴

壬戌午上州蒙陰各地震

己未賜文武武群臣銀牌於左順門一品重二十金二品三
品十金錢其上曰慶功五采飾之貫以朱組四品五品及都

給事中御史五金左右給事中四金給事中三金錢曰賞功
貫以青組又各被以花緋而退蓋酬前日之迎賀也翰林不

其儀是遂不賜

鄰水縣天鳴石隕

延綏叅將都督僉事杭雄為都督同知仍治援兵叅將納
指揮僉事紀世樞為副總兵鎮守山西兼提督鴈門等關

庚申薊州總兵官署都督僉事戴欽改靖副將軍鎮守延
綏延綏總兵官署都督僉事柳湧改薊州

辛酉上復如宣府單騎出德勝門從者四人餘以次追及

楊廷和等疏諫不報
襄城人齊海自奏知兵部罪其妄命召之

丙寅行人王汝敬使
府道擾逮至京除名

丁卯嘉定州地震
折城伯趙瑾卒瑾謹飭寡失

二廟午朔
上在宣府

癸酉瀋陽等衛地震
蒲河中左所天鼓鳴

戊寅守備鳳陽太監
立得求兼統廬淮揚徐滁和政務特許

之章
貴州苗賊

貴州苗賊
阿傍等年貴州湖廣之交

十里稱險峻
其工平衍阿傍等據之作亂

李昂湖廣副總兵
李瑾合兵擊之攻前科稍密援崖克其

巢先後斬六百二十人
俘三百二十三人招復萬三千九

百九十人叙功
鎮守太監李鎮及政威昂瑾各廢世百戶

高公曰阿傍等
地非有智謀之士運其籌武勇之將制其兵其稔

惡肆亂臣履
三省之兵歷二年之久始獲平定者蓋夷本

桀驁地復險
遠守臣之貪縱既有以激之於先將帥之玩

揭又不能過之^於其後故釀亂至此極耳嘗見近代於遠方
守令輕視易授不以處罪瑕之徒謫則以應暗耗之陳乞
此輩豈有能為民為國遠圖者遠方非朝廷之赤子乎夫
向宣之化激揚之典近者為揚而遠者為難也顧若是謬
者何耶然則請諸夷之亂無它焉慎守令之選而已
已亥猴賊龔福全等平福全貌悍惡據江西上猶廣東樂昌
等縣湖廣彬桂間害尤甚偽稱延溪大王巡撫湖廣秦金等
會兩廣兵擒斬二千餘人
音高武曰彬桂魁與橫水桶兩事略同當時亦聲勢相倚比

非有深志遠圖特以封疆之臣因循姑息故稱據險猖獗
滋地方之靈耳所幸金與王守仁同時舉事故諸賊不得
稍為應援而表裡受兵又無所逃遁故得以草薶而
禽獮之不然即韓盧之搏狡兔恐不能窮三窟之誅也

中旨賜和衛都指揮僉事馬吳守備儀真
叙州府地震

三月^皇寅上太皇太后謚曰孝貞莊懿恭靖仁慈欽天輔聖純

后^皇未^皇二^皇特命^皇中^皇暨^皇管^皇以^皇內^皇監^皇六^皇十^皇餘^皇萬^皇事^皇也
乙巳頒謚詔

丙午 上素服視事西角門

丁未 工科給事中翟瓚等以內庫錫鉄等六十餘萬運宣府
營造行殿阿房出而秦人畔章華起而楚民仇覆車在前可
不鑿哉不報

壬子 致仕左都御史彭澤削籍逮甘肅巡撫左副都御史李
昆兵備副使陳九疇至京澤好飲酒使氣朱寧挾威重澤數
切齒兵部尚書王瓊却於澤先遣科道按哈密事不能中乃
自訐其擅遣使增賂款釁喪師及昆九疇並宜罪廷議多不
平禮部尚書毛澄稍折之瓊厲聲曰若廷鞠澤自吐實澄曰

否 古者刑不上大夫戶部尚書石介都給事中王曠石天
柱皆曰不可枉澤稍易奏稿數字謂澤歸踰年失事似亦可
源得肯以失信貽譏斥為編氓

甲寅 四川慶符縣大風雹傷麥拔木偃屋

乙卯 中書都知監太監劉岑分守開原王秩分守山海關御
馬監太監黃玉分守潼關兵科都給事中汪玄錫等言山海
舊惟指揮及兵部主事潼關惟軍衛不宜增設內臣不報玉
至潼關將甚行旅皆取道山西避之又邀索於河東
丙辰 晉府輔國將軍表枕表棉表桿奉國將軍表桃智俟俱

畜私闖不法奪半祿

戊午薊州總兵署都督僉事柳湧改平羗將軍鎮守甘肅

中旨工科都給事中石天柱降臨安推官刑科都給事中王

曠降惠州推官以爭彭澤事忤王瓊也

庚申起右都御史鄧璋巡撫甘肅

辛酉鎮守貴州總兵官都督僉事李昂為都督同知協守湖

廣鄖陽副總兵都指揮使李瑾為都督僉事

壬戌右叅將都指揮同知馮永為都督僉事總兵鎮守薊州

遼東隕霜殺稼

南通州大風雨雹

甲子中旨內官監太監侯欽守備萬全左衛守備萬全左衛

尚衣監太監馮敬調分守萬全右衛內官監太監葉森分守

獨石馬營分守涼州都知監太監王欣調鎮守甘肅御馬監

劉憲分守涼州內官監太監李昕寧夏監槍

河南布政司左叅政楊志學為右僉都御史巡撫大同

丙寅真定相分太監鄭璽請順德之南關宋家莊廣平之曲

周仍設抽分從之橫征復起

南安府地震聲如雷

丁卯朱江嗣武進伯朱本叔

戊辰如渴平開隧道祭六陵

琉球入貢

守備鳳陽太監立得鎮守延綏寧夏大同宣府太監劉祥馬

錫許金顏大經俱改勅閣臣跡止不聽

前南京兵部右侍郎王倬卒倬字用檢太倉人成化戊戌進

士歷令山陰餘干蘭溪善聽斷擢南京御史憲直明幹遷貴

州兵備副使例革改瓊崖兵備平劇盜亡何進廣西按察使

歷廣東四川左右布政使值藍郵勢張治軍實立辦拜右副

都御史巡撫順天歷撫薊州極饑逐立功最著馬蘭峪又

請通倉粟賑饑久之進南兵部侍郎所居官廡而不務職名

家居立義庄于弘治年七十五

四 庚午衡州大雨水

甲戌提督居庸關太監谷大用益祿十二石以村氓孤旅三

人指為奸謀被賞

丙子南京吏部尚書孫需致仕

壬午衡州大風雹碎瓦斷木葉

癸未科道跡請駕不報

甲申執承平知府毛思義時 上幸密雲民間訛傳欲括子
世思義示曰 車駕必不遠游皆奸徒煽惑 上怒下錦衣

獄謫安寧知州

丙戌服闋禮部尚書劉春改南京吏部尚書

改泗州高縣為州

壬辰國子祭酒陳霖被劾免

寧夏地震

大理寺卿陳恪卒恪字克謹歸安人成化丁未進士令宿松

擢御史遷江西南贛兵備副使裁於逆瑾仍御史尋削籍瑾

敗起貴州副使歷河南左布政旌能吏第一進撫南贛汀漳

改大理賜祭塋天啟初追謚簡肅

五 明 丑 朔 訓 食 工 次 大 喜 峰 口 先 是 幸 銀 山 薊 州 遵 化 以 及

喜峰欲招致朵顏三衛夷人納質宴勞巡撫薊州右副都御

史臧鳳跡諫不報

癸卯輔臣及科道跡請駕不報

丙午巡按直隸監察御史劉士元兵科都給事中汪玄錫各

諫招致三衛不報

戊申魏上還京

壬子傳諭山西鎮巡官積儲治河舟及織造細絨禮等若干
巡按御史審欽言黃河波涌如沸水急如箭今欲多舟三三
時河渡萬數非特殃民抑或啟釁而賈他日之禍也
癸丑連東地震
常熟縣雷電白龍一黑龍二並噴火壞民居二百餘家吸舟
二十餘艘於空斃二十餘人

五甲寅都指揮僉事右叅將張祐為副總兵鎮守兩廣
清理鹽法右副都御史趙鑑為左副都御史
給太和山道士長蘆餘鹽五千引戶部持之不聽

從平樂都指揮於府江昭平捍扼其要

許分子潼關太監黃玉視潼關兵備例管理陝商解蒲

舟起執監察御史劉士元於行在軍門杖之下錦衣獄初

工幸河西務指揮黃勳借供應科欵士元按之逃至行在請

其盡嫁民間女孀婦并知縣曹俊等下獄

壬戌使部員外郎何景明為陝西提學副使

癸亥雲南隰鹽井地震山崩井塞

撫治鄖陽右副都御史陳雍為工部右侍郎採木右副都御

史趙鑑為大理寺卿

總督漕運兼巡撫鳳陽右都御史叢蘭專理巡撫以巡撫順
天右副都御史臧鳳總督漕運
刑部尚書張子麟母老歸省

揚州大雨彌月

己丑傳陞冠帶舍人朱山朱準朱容朱淮朱渭朱欽朱義朱
大壽朱印朱珂錦衣衛總旗祥小得賜姓者

傳陞錦衣衛副千戶馬良劉雄俱指揮僉事總旗馬原副千

戶冠帶舍人劉京實授百戶

定出使官朝見諸王禮寧王宸濠驕恣胥用臣禮巡按監察

御史范軫請遵祖制欽定便服稱官濠始怨軫搆之請龍

州宣撫司經歷後濠誅起福建僉事歷江西兼副使正德辛

未進士桂陽人至諱所脩學理軫教授絃誦羗人化之世

宗初秩為其地曰涌淚崖

賜西域朝貢番僧茶一萬九千九百斤仍帶六千有奇為例

時西僧侍豹房得幸

戶部右侍郎兼左僉都御史張津卒津博羅人成化丁未進

士令建場大城有治行拜御史連守泉州寧波士民德之歷

撫蘓松平孝豐盜遷今官性清謹練達吏事所至有稱贈南

京師部尚書

六月巳朔大理蒙化趙州鄧州浪穹地震

庚午前學夏總兵都督僉事李祥卒延安人世百戶

教坊司奉鑿減賢乞間禮部覆上不許賢得幸於豹房賞賚

巨萬賜飛魚服甲第侈僭縉紳以賄進嘗奉命祠泰山守令

伏謁監司郊勞不知為伶官也况伶官例不引疾又得部覆

溫旨等於貴臣異矣

壬申服闋右副都御史王鎮提督撫治鄖陽

夜西安府見巨人於撫署東長二丈餘已大風雨

癸酉章丘縣大風雨水溢壞民居四千餘家

中旨綏德衛副千戶魏欽賜姓朱陞錦衣正千戶舍人張鑑

張平安張海張銳張糾張聰張來勤張來定張來順張來訓

張來春張來進張和俱授錦衣衛小旗

甲戌傳制封誼鈕濡王勛立稷山王原燠玉山王真靜鉛山

王原燠安邑王聰灑昌化王賓沁内江王安培沈立王知烟

河東王知燿新化王經拱靖江王

南京國子祭酒賈詠為國子祭酒

山東巡撫右副都御史黃瓚為南京兵部右侍郎

上入四海治堡

已郊晚衣上衰服告辭凡筵

涿州至蘆溝橋多盜詔發京營二千人太監張忠左都督朱

泰總兵兵部右侍郎王憲兼左僉都御史俱提督軍務都督

同知桂勇賈鑑為左右叅將俱捕盜戶部左侍郎侯觀兼左

僉都御史督餉

庚辰孝貞太皇太后梓宮發引上晨出北安門迎兩

宮御平臺於京兆前候殯復入清寧宮率胡僧梵唄乃發朝

臣步送德勝門諸戚晚祥臣命婦道祭方祭上戎服乘侍

即所逸馬夜宿清河

辛巳中旨錦衣指揮僉事劉照為指揮同知同廖鵬南鎮撫

同

癸未梓宮至山陵獻殿駙馬都尉崔元林岳馬誠方祭告

上突至衆駭散夜宿帳殿

甲申葬茂陵丁亥長樂縣朔溢溺人畜大饑

己丑上奉主還京翰林脩撰舒芬上言孝貞作配茂陵

未聞失德祖宗之制既葬迎主必入午門昨孝貞太后

主以從陛下駕入旁門使它日史書曰六月己丑車駕至

自山陵迎孝貞皇后主入長安門則讀者必以春秋公薨
不書地之法昧之即孝貞不得正終之疑矣宜明詔中外
示改過

壬辰祔太廟上入門雷電風雨大作燭盡滅

甲午中旨鎮守密雲太監張信改薊州太監邢安鎮守密雲

乙未順天府丞張潤為左僉都御史整飭薊州邊備兼巡撫

順天南京光祿寺卿伍符為右副都御史巡撫山東

七期戎朔夜金星犯井宿

己亥傳命總督軍務威武大將軍總兵官朱壽率兵巡遼東

宣大延寧甘肅掃平在河南山東山西兩京寇竊并剪之給

勅朱壽即上自稱也是日諭九卿科道於左順門皆泣諫

時閣臣先入附閣尚書毛澄等

不納大理寺右少卿吳堂被酒厲聲呵止泣者蓋希寵也衆

怒欲擊之門內閣喧聲明日調鶴慶軍民府知府

周應賓自韓威武大將軍勅與復宸濠護衛者或以為楊

廷和或以為梁儲兩家子弟各有辦事遠人亡何從而斷

陳公槐以為二者皆出於楊陳於楊雖有私隙然其人以

仇直名當不安云

傳陞後府都督僉事白玉為都督同知

壇

錄應州禦功陞賞九年五百五十五人太監張永魏彬張
忠詹錦衣正千戶朱彬佛保馬英趙林蘓進馬睿許全李睿
劉祥詹錦衣百戶神調如之奸商呂鈴等請開河東東西池鹽戶部執爭不聽
土魯番速檀滿速規遣使請和不許壬寅諭兵部進威武大將軍爵國公又諭太監谷大用蕭敬
溫祥賴義秦文張欽蔣貴韋霖張淮李英張銳及都督朱寧
兵部尚書王瓊俱世錦衣正千戶太監于經周昂侍郎陳玉
王憲俱世百戶都督朱泰朱洪宋贊各進秩錦衣官舍朱政
朱勳朱舍利朱得那俱世指揮使又閣臣楊廷和梁儲蔣冕
毛紀詹錦衣正千戶餘賜金幣鎮守河間總兵官張璽以貪剋劾免

癸卯閣臣諫巡邊進爵不報

甲辰科道諫加爵俱不報

夜派星燭地自天倉行至近濁

丙午昧爽正北幸出東安門群臣送者五十二人勅大學

士楊廷和供事看詳章奏擬旨馳進并諭六科給事中張雲

等

吏科右給事中徐之鸞疏薦謫籍如編脩王思給事中張原
御史周廣高松韶等不納
南京國子司業汪偉為祭酒
巡撫河南右副都御史李充嗣改巡撫蘄松常鎮總督糧儲
遣大護國保安寺番僧覺義領占劄巴等往封烏思藏前闡
教主劄巴等乞舡鹽三十艘戶部執奏上特給之劄巴等
道恣至呂梁毆管洪主事李瑜瀕死
中肯都指揮僉事齊佐筦南鎮撫司
署都督僉事馬永為都督僉事

已丑旱秋免濟南東昌兗州夏稅有差

戊辰朔前工左宣府

定浙江江西湖廣南直隸驛發四外者即發近衛終身著為

令從都御史吳廷舉之議也

辛未夜添星自天倉車南行至近濁

戎寅國子司業景暘為南京左中允署南京國子司業暘母

老硬養

大學士楊廷和予告三朔當在俸不允

設廣東和平縣

右都督郭錦總兵鎮守河間

庚辰晉府靈丘王奇演慶謚恭禧

山西偏頭關城門銃自火聲震數十里傷人

右都督朱洪總兵提督東路山海等關左都督劉暉總兵提

督西路居庸等關

祠故信國公湯和於定海右都御史韓雍於梧州

南京尚膳監太監任宣乘輿於西上北門被劾杖釋之

癸未慶府壽陽王台濠薨謚和靖

甲申代府隰州王聰薨謚康肅

乙酉工自萬全左衛歷懷來陽和至大同

丁亥天津兵備副使胡文璧謫延安府照磨太監張忠莞武

清兩直沽阜莊縱侵市利文璧杖其人見申逮獄

庚寅故刑部尚書何喬新謚文簡

福建福州軍索餉鼓噪命逮左布政使伍符方進巡撫山

東右僉都御史初鎮守太監羅崙假脩城徵三千金符發六

之一致仕右都御史林廷玉副使高文達嘗干請不遂俱銜

之故嗾餉卒辱符而身諭解之以示功竟莫正其罪也後符

逮廷玉詔獄贖杖還秩

談遷曰趙時春作平涼府志以林廷玉僑籍平涼傳其事
云伍布政與楊通判奪軍士月糧軍遂作亂屯市中將攻
之伍楊之術遷延不果侯官巡撫林廷玉伺其意善遂撫降
之許以時給糧伍楊之黨反誣其導之也斬勿與故葉元
辭再亂連日不解廷玉不得已再撫之不下反質公食言廷
玉陰以義攜其黨與鎮守太監兵誅之夫實錄詆廷玉釀
變而趙已解焚稱之大為矛盾然干請不遂遽嗾叛卒萬
一不可制奈何此在庸夫猶不為此似非所以律廷玉也
彼夙敦名節肯失計蹈於危險之塗哉伍符懼罪藉廷玉

為口實而實錄輒採其說寃矣至副使高文達則吾所不
知也

亭郊巡撫南贛汀漳右副都御史蔣冕為南京戶部右侍郎
癸巳陝西行都司地震

甲午福州地震

丙申夜涿星自騰蛇行至五車

丁酉延平府火

是月蘓松大水有九龍闕於海

華亭志曰東南澤國而水羊之患在恒雨正德己巳秋大

水戎黃巴郊又大水次年檢勘者不以實報且指田間麥
對魚蟹謂足充稅使民財力重困公私逋欠深亡墊隘至
於今不熄也

九朔戎朔上次大同初鎮守太監馬錫獻總兵葉椿第令椿
立營券改總督府又奪都指揮關山指揮楊俊宅貫酒榜曰
官食亦立券實未嘗予直也

漢子以工至偏頭關貴幸先掠良家子備卒至數十車在道
日有死者不以聞

乙巳晉府永和王表格薨謚靖惠

庚戌前南京戶部尚書林泮泮字用養閩人成化壬辰進
士授南京大理評事歷順天府戶部右侍郎至尚書逆瑾
時幸致政尋罰粟百石輸邊以貧甚苦之家被火晚寓僧舍
平生畏慎事亦不撓士大夫重其潔守可方古人第限於才
故勲業未著天啟初謚恭清

林之盛曰林公廉潔之操始終不渝其人溫如玉也柳下
惠和而有介林公介而有和善乎舒文節之銘公曰世不
知清與廉之異行若公者直曰廉而非清一則易至於絕
物廉則一物之莫櫻和而不同矜而不爭實公此心與清

殊情由此論之必宜易名以廣風厲而迄今無有舉之者
林文懿撰福州志云吾鄉賢而不得謚則有若林司徒謚
而實浮於名則有若彭惠安此所以衆心未壓而士論猶
鬱也當事者奈何不一議之也

辛亥前南京工部右侍郎沈暉卒宜興人天順庚辰進士

癸丑右通政李元吉張龍太僕寺少卿劉志道俱劾免

故鬱林州同知鄭寶贈知州寶署北涿縣擊盜死廕子入監

上自封鎮國公歲祿五千石後府帶俸

談遷曰天子尊無二上今貶損殊號下同專閫此有何

足樂而康陵欣然樂而忘天下也雖章滿公車如水投

石其故何哉田獵游宴非萬乘之務舍而受兇卒擁刀劍

則雜技淫巧易集於前矣嗚呼唐莊宗自呼曰李天下卒

亡其國康陵之克終豈非社稷之靈乎哉

順天府尹胡韶為刑部右侍郎太僕寺卿何孟春為右副都

御史巡撫雲南

翰林編脩陸深為國子司業

兵部增定武舉條格以內閣兵部尚書為考驗官

應州功都督朱學子永安世錦衣正千戶時六歲復廕至都

督賜蟒玉錦衣衛指揮使秦玉為都督同知指揮同知魏天
祥溫得為都督僉事指揮使于福為都指揮使指揮同知周
暹正千戶李欽為都指揮同知副千戶張祥為都指揮僉事
署指揮僉事趙信為署指揮僉事正千戶蕭榮為指揮使署
正千戶馬祥為署指揮使舍人張俊韓盛聰劉棟楊勝蕭迪
谷柯蔣魏張奇寧璽為正千戶陳釗為百戶天祥等皆太監
魏彬張永趙林蘓進馮英張思蕭敬谷大用將貴張淮秦文
溫祥李英于經周昂子弟已天祥等自陳功進玉右都督得
天祥都督同知信署都指揮同知榮都指揮僉事祥署都指

揮僉事迪璽奇指揮僉事

鎮守貴州總兵官都督僉事李昂乞休以庶謹改南京右府

僉書資祿養

江西鉛山人李鎮等作亂寧王宸濠誘之以戕費宏者至是

巡撫孫燧捕滅之

甲寅封左都督朱彬平伯左都督朱恭安邊伯各祿千石

世襲

丁巳陝西右布政使李承勛按察使楊惟康檀乘輿奪俸四

月未極

己未駙馬都尉林岳卒岳應天人尚德清大長公主性孝友
公主化之事姑克盡婦道弟錦衣千戶樂每飯必待其至樂
與士夫游

分守寧夏東路右叅將署都指揮使傅鐸自言功進署都督
僉事

賑廬鳳淮揚蕪松水災

幸西萬壽節 上在宣府群臣遥賀

壬戌申旨罷朔州守備太監王恭

乙丑服闋右副都御史沈林巡撫山東

勅廣輝免河間田租

十月 戊辰 上渡黃河

庚午都督僉事張銘為都督同知萬全都司都指揮使都勳

為都督僉事

壬申鎮守薊州太監靳原科索吏碎七千餘金下詔獄戍考

陵

戊寅水旱免連東屯租有差

紀卯 上次榆林

辛巳 朔食

丙戌寧夏地震

癸巳免蘓松常鎮田租有差

甲午蒙化府地震

趙武嗣忻城伯趙權子

乙未前戶部右侍郎張過卒過項城入成化甲辰進士庸鄙

無能善緣勢在山厥侵牟無厭

十 丁酉朔 工驛榆林欽天監進曆如常儀

戊戌水災免大名真定田租

庚子撤西官廳勇士六千二百六十八人馬六千五百七十

十一 乙丑赴宣大按狀復檄太監甘清高忠少監李漢柳進等九

十一人赴延綏其僮匠三百八十餘人皆給傳以行時工

驛遠塞凡徵發俱遣尖夜馳檄如邊帥體後遂為常

辛丑災傷免杭湖秀水田租夏稅有差

癸卯蒙化府地震

甲辰葶藶草場火主事南大吉下法司

乙巳試監察御史喻茂堅南京試監察御史吳鎧俱以郊祀

請駕不報

丙午皇和文正王在榆林祥臣遥賀

戊申遼東及海州衛俱地震天鳴蓋州衛天鳴

己酉水災免南昌九江南康臨江饒袁瑞夏稅有差又免應

天安慶寧國太平池廣德田租有差

壬子工至綏德幸總兵戴欽第尋納欽女

丁巳關臣踪問安不報

戊午巡撫遼東右副都御史張貫卒蠡縣人成化己未進士

癸亥徐鵬舉嗣魏國公徐備孫

提督四夷館太常寺卿沈冬魁為右副都御史巡撫河南右

通政汪舉為太僕寺卿河南右布政使童瑞為順天府尹

前府署都督僉事昌佐為總兵官鎮守貴州

給甘肅尖夜墩軍冬衣舊例不之及也

十 二月丙寅朔 上在榆林諸大臣以次視郊牲如常儀

戊辰徐州兵備副使徐祐降南寧府同知徐州知州樊準降

南寧州同知初南京尚膳監奉御王敬進鮮道擾指揮王良

發其疏黃等私物敬求解於祐不應遂誣奏準良辱之并祐

下鎮撫司祐鄱陽人少師胡居仁私治己未進士人有過必

面斥之無後言人以是重之

己巳南京監察御史謝階等言 聖駕遠幸各鎮守以及有

司指稱供御棟選婦女科歛財物至牛羊雞鵝等畜皆懸牌
上用不論價値人心洵重從行軍士侵民汚婦女動稱御旗
牌軍士誰復敢抗入陛下亦寧能悉聞此情耶伏望得還龍
馭禁鎮守有司科歛等弊不報不聞不聞不聞不聞不聞
災傷免山東田租有差
成寅餘上自榆林歷米脂綏德渡河幸石州文水
癸未前巡撫薊州右副都御史周季麟卒寧州人成化壬辰
進士歷官有善政嘉靖中贈右都御史謚僖敏
戊子錦衣衛百戶許寧太監金為指揮僉事李鑾睿之周章

劉祥為首戶涇州功

上次太原初上在偏頭關索女樂於太原有劉良女晉府
樂工楊騰妻也善謳至是復召而嬖之飲食起居必偕左右
或觸上怒陰求之輒笑解江彬等皆母呼之
停陝西苑馮寺逋馮萬四千六十四匹
辛卯吏部文選郎中閻淵為南京通政司右通政
初欽天監漏刻博士朱裕請脩改曆法歲差驗西域九執曆
禮部以十月望月食分秒時刻中官正周濂等推策與裕各
不同請裁定濂等上言漢劉洪作乾象曆始覺歲用餘分太

強減二千五百為二千四百六十二至晉虞喜宋何承天祖
冲之立歲差法允許衡王恂郭守敬等作授時曆其法損歲
餘益天周使歲餘浸弱天周浸強弱相減得日躔歲退之
差一分五十秒名曰歲差非差尖之差乃今歲冬至歷來歲
冬至不及天一分五十秒歷六十六年有奇而日退一度所
謂差也攷元辛巳歲冬至氣應五十五日六百分唐一行以
十三年差一度宋紀七十八年差一度虞喜五十年差一
度何承天為不及乃倍其年而反不及劉焯取二家中數七
十五年差一度俱為未密至元太史令王恂郭守敬等參考

精詳但辛巳距今二百三十七年歲久不能無差回曆自
開皇己未至今九百餘年亦有疎舛赤道歲差一分五十秒
距今辛巳該差三百六十分黃道歲差一分三十一秒今當
差三百三十二分四十秒此即損益之數乞勅禮部議簡大
臣督本監官總理其事部覆頗以瀛等古法為是仍命新法
參考

四川夔蠻復叛高縣慶符縣巡檢御史盧雍劾巡撫馬昊
既平普法惡等不留兵將并州立縣之罪有旨責昊立功自
贖

癸巳刑部囚逸獲之主事喻義張文魁下錦衣獄

晉府儀賓以殺人成獄賂江彬矯旨免死按察使耀州

張連曰憲臣為天子守法今天顏咫尺連不奉詔肯敢信公

信耶彬語塞竟坐死

林之盛曰處霄臣不以直即以術直則誅於法言術則囚

於獄中張汝器對彬一何抗直悚入爾之故還庵於詠任

或術張公於彬尚法二者皆嘉而張公尤重於世云

已卯正德十四年

正朔申朔

戊戌癸太原工在太原群臣遙賀

辛丑罷四川清軍御史任漢以其地採木用兵也

壬寅嘉定常熟地震聲如雷

癸卯駙馬都尉馬誠卒誠尚宜興大長公主

乙巳遣工部管河郎中畢濟時跡南旺河

壬子工至宣府自宣府至西陲往返數千里工卻輦乘

馮佩弓矢衝風雪歷險阻寺人病憊工不以為勞也

乙卯監察御史虞守隨請百官迎駕仍常服不報

寧夏甘肅鎮番俱地震

戊午甌寧縣大雨雹

己未前南京禮部右侍郎馬廷用卒廷用字良佐西充入成

化戎武進士館選授編脩歷侍讀侍讀學士至侍郎勇於求

退敦朴樂易袁實鯁介在南京嘗攝戶部江北派民大至不

俟奏廩之善易學詩文華膳賜祭墓贈南京禮部尚書

二月丑朔 上留宣府

丁卯傳西官廳監督平 伯朱彬同新寧伯譚祐等提督團

營左都督神周都督僉事李琛周安邊伯朱恭等西官廳監

督 已配哈密夷人拜言土昂思等逃自土魯番入肅州言哈密

頭目哈即哈辛通番且速壇滿速兒已召忠順王於牙兒幹

城尋止之仍欲報沙州之怨火者他只丁牙木蘭等俱家於

哈密甘肅守臣議備之

壬申 工還京先閱 器伏於教場暮薄乃入群臣迎賀

分賞如初

癸酉先是命作鎮國公牙牌誥券料道跡諫不報

前中府都督洞知張俊卒俊宣府前衛指揮使歷大同游擊

將軍大入後據高埠拒卻之伏斬數十級再總宣大兵有
謀勇能自守家無餘貲稱名將云

甲戌命太監李文馬俊權稅湖廣浙江

乙亥蜀王請借內江王來朝不許

丙子工騎出大明門法駕鹵簿皆先行惟百餘騎從

丁丑南郊畢幸獵南苑辰刻地震風霾

戊寅夜工還御奉天殿行慶成禮

甘肅鎮番永昌莊浪俱地震

己卯中旨鎮守浙江內官監太監王堂總鎮兩廣鎮守江西

獲近郊盜趙祥等九十餘人詹提督太監張忠都督朱泰侍

即王憲各世錦衣百月初工在宣府聞越獄曰朱寧居守

顧有北耶朱彬曰譖之譚寵頓哀

丁亥漕舟阻凍即納天津倉凡六萬石

命王守仁勘處福建叛卒其南贛事兵備副使楊璋暫攝之

戊子平陽府晝晦

傳賜左都督劉暉神周都督僉事李際姓朱氏

上自加太師手勅吏部又諭禮部曰總督軍務威武大將軍

總兵官太師鎮國公朱壽令往兩畿山東泰安進香又諭工

部丞脩黃舡於是閱部寺大真各跡止不報
庚寅禮部尚書兼翰林院學士李遜學卒遜學字希賢上蔡
人成化丁未進士館選授檢討弘治丙辰調浙江提學僉事
憂去歷陝西山東提學副使正德戊辰進太常少卿提督四
夷館明年入翰林兼侍講至今官開爽頗不羈詩文有藻思
贈太子太保謚文簡

初廣西龍州土知州趙源亡子妻岑氏以舍人子冒趙璋而
州人推源從子相嗣職岑氏璋逝田州王是璋結田州土官
岑猛太平州土官李琬賂鎮守太監傅倫等詭錦衣舍人奉

旨調猛等兵萬人送璋入事下總督按之

壬辰中旨鎮守湖廣太監杜甫改福建鎮守貴州太監李鎮
改湖廣分守四川建昌太監宋輔鎮守貴州

保定巡撫寧夏右副都御史冒政卒泰州人成化乙未進士
居官廉正家無餘貲

三 甲午朔中旨管家將指揮朱湧等四十七人俱填錦衣衛帶

俸舍餘朱新剛等千人充御馬監勇士家將之名前未有也
丙申太監趙亨為故太監馮永成乞恩兵科都給事中徐之

驚等言永成廢授官至九十餘人乞為天下惜名器不報

丁酉衢州孔承美襲五經博士考繩子

中旨內官監太監李彬管神機營中軍二司并練武營
戎戎南京太僕少卿曹敏被劾不問敏先任御史巡按江西
諷事濠宸得狎歌伎風紀大敗成宸濠之惡而楊一清陸完
厚之得志後濠敗幸不之及也
巳亥中旨分守懷來太監劉寶鎮守陝西守備萬全左衛太
監侯欽分守懷來倒馬關太監劉昇守備萬全左衛
諭巡狩沿途毋驚擾官民舡仍通行勿阻
邵武軍辱通判馮希哲知縣蕭洋蓋推官高璉俟使之事聞
調希哲片璉成其首悍者

太原地震

中旨御馬監太監田春監督勇士四衛營

巳酉設福建平和縣

辛亥吏部左侍郎王鴻儒為南京戶部尚書河南左布政使

王崇文為右副都御史巡撫保定兼提督紫荆等關

命閣臣撰謁祖陵皇陵孝陵并各王墓祝文儀注楊廷和

等言有各王朝陵禮無天子親詣各王墓儀注乞寢其行

不報

增歲貢生兩京兆四年十二人各府歲六人州四年六人縣

歲一人至十一年止

壬子湖廣按察使僉事孟洋疾去

癸丑兵部武選郎中莆田黃輦車駕員外郎蘭谿陸震吏部

員外郎夏良勝禮部主事萬潮太常博士陳九

川醫士嘉定徐鏊俱下錦衣獄兵部郎中孫鳳等百有七人

責蹕午門五日時南巡意決廷臣憂甚黃輦陸震上圖治六

事曰崇聖學通言路正名號指威武大將戒游幸去小人江指

彬建儲貳翰林脩撰舒芬編脩崔桐庶吉士江暉王廷陳汪

應軫馬汝驥曹嘉上言今日之事痛哭泣血有不忍為陛

下者江右有親籀之變大臣懷馮道之心以祿位為故物以

朝署為市廛以陛下為奕棋以革除年間為故事也夏良

勝萬潮陳九川亦上言東南之禍不獨江淮西北之憂近在

輦轂廟祀之位不可以久虛聖母之孝養不可以恒曠

宮闈之孕祥尚可以早圖機務之繁重未可以盡委鎮國之

名傳聞海內恐生覬覦之階家將之屬納於楚近詎忘戎

之患巡游不已臣等將不知死所矣徐鏊上言古者百工執

藝事以諫臣根以眇劣待罪醫局保養聖躬實臣職業夫

養身猶寘燭也窒閉之則堅風暴之則決陛下游幸大教

御容寢不如前矧南方旱濕尤易致疾陛下之身宗廟社稷所係不宜聽信群小含密室之調甘暴風之對上怒已兵部郎中孫鳳等十六人吏部郎中張衍瑞等十四人禮部郎中姜龍等十六人刑部郎中陸倕等十五人跡繼上上怒有旨謂出位妄言多方訛謗輩等六人付鎮撫司掠治餘罰跪每日自卯至酉官校巡視全吾衛都指揮僉事張英亦自跪端門外衛士詰曰至尊若出則京城百萬生靈無庇且英當隨駕自分值變必死與其死野孰若死于廷遂自刃其胸衛士奪刃得不死英又囊土人問之曰不欲污內

庭血耳法司承彬指坐英妄言論死杖八十卒聞者哀之弘光初贈英都指揮使謚忠壯

甲寅南京右都御史洪遠改南京工部尚書大理寺左

少卿劉玉為南京左僉都御史提督操江

乙卯大理寺寺正周叙等十人下鎮撫司叙等以職在平獄

請寬諸臣且止南巡上益怒繫訊之復同黃輩陸震夏良

勝萬潮陳九川徐鏊俱荷校闕前罰跪至夕仍繫俟期五日

丙辰行人司副余廷瓚等二十人工部主事林大輅等三人

各跡諫俱下錦衣獄已荷校罰跪如同叙等

戊午杖卽中孫鳳等百有七人於午門各三十鳳及陸倅張
衍瑞姜龍舒芬謫外罪其倡也餘奪俸六月刑部主事郟城
劉校照磨劉珏卒杖下芬謫福建市舶司副提舉
庚申河南布政司右叅政王翊為右僉都御史巡撫山東
癸亥寧夏地震

前巡撫宣府左僉都御史王純卒慈谿人弘治癸丑進士性
敦朴居官清白

四甲子朔災傷免廬鳳淮楊徐滁和田租有差

丙寅蒼梧縣山崩

戊辰兵部右侍郎陳玉為南京左都御史

己巳南京監察御史范輅以請戒江西忤寧王宸濠及太監

畢真至是輅乘輿過真被奪且誣其罪逮下錦衣獄謫龍州

宣撫司經歷

吏部右侍郎廖紀為左侍郎南京吏部右侍郎羅欽順改吏

部右侍郎

朝犯軒轅南星

壬申寧夏地震

丁丑戶部郎中陳維藩督糧薊州私餉都督神周二百金周

以聞遂下錦衣獄謫之

兵部右侍郎馮清為左侍郎

杖兵部郎中黃鞏等三十九人黃鞏陸震吏部員外郎夏良

勝禮部主事萬潮太常博士陳九川大理寺寺正周叙工部主

事林大輅行人司副余廷瓚太醫院醫士徐鏊各五十餘四

十鞏震良勝潮九川削籍謫叙永嘉縣丞大輅夷陵州判官

廷瓚亦工部主事蔣山卿調南京前府都事行人陶

滋已思明李錫顧可久鄧顯麒王翰熊榮楊泰王懋黃國用

李儼潘銳劉黼張岳調南京國子學正寺正金壘調太常寺

典簿寺副孟廷柯張士鎬郝鳳升傅尚文評事姚汝臯蔡時

調南京戶部刑部都察院照磨寺副郭五常通政司知事而

陸震及工部主事吳江柯遵評事長樂林公黻行人司副都

陽徐廷瓚行人玉山唐軾澤州孟陽安陸劉聚巢縣李紹賢

李惠創甚卒徐鏊成烏撒衛後鏊改姓高官御醫年八

十三隆慶二年卒

羅洪先曰武皇帝朝瑾彬相繼用事縉紳往、以諫死

議者以為於事亡益徒彰主過非人臣所宜至其斃死者

又以為徒一時意氣鼓動觸禍實非得已於是縉紳假靜

重以脫禍人亦莫或排之嗚呼當是時彬導上南巡禱

祠名山取道魯衛淮徐抵於江漢即中土殘矣而逆濠方
謀以侍子奸大位倚彬為內應巡詔下擬為危言撼衆相
視莫敢誰何賴諸公以死諫而南巡議竟寢嗚呼若是者
果無益於事否耶
素豪曰武皇帝之南巡也外有宸濠之覬覦內有江彬
之惑亂朝野危疑社稷幾搖而黃輦獨奮其精忠危言極
論明白痛切可為涿涕國朝諫書秘在石室者予不得而
知矣即嘗所目見未有如輦者也嗟予以斯人而使之無
年天其昌哉我雖然讀其書與日月爭光可也

福州亂卒葉元保進貴等五十八人伏誅餘戍遣

紀郊夜望月食

辛巳太子少保戶部尚書石玠致仕

都督朱洪領團營西官廳左營提督東路山海等關都督朱
暉領右營提督西路居庸等關俱充總兵官

壬午中書內官監太監趙俊坐神機營右掖三司仍坐揚威
營御馬監太監李祿分守四川建昌行都司并川南道

乙酉請監察御史劉士元廣東麟山驛丞

丙戌昏刻派星自東南徐行至西北後三小星隨之

丁亥前刑部左侍郎張鸞卒咸寧人成化辛丑進士本能自守以劉瑾同鄉被染

豐潤永平地震已丑巡撫山東右副都御史伍符朱赴任以閹卒餉事逮下

錦衣衛獄贖杖還鎮戶部主事劉田趙載孫聰鄒輓陸傑監兌兩畿浙江

私歸愆期下獄尋復官五

五巳亥存恤山東山西陝西河南湖廣涿民從巡按山東御史

徐冠之議其願歸者給道費否則作草舍人給糧三斗戶給

牛種

辛丑總督倉場戶部尚書楊潭回部視事

王暉秦府保安王誠激慶謚靖和

南京禮部尚書吳儼卒儼宜興人成化丁未進士館選授編

修歷侍講學士以忤瑾中考功法後起官性方嚴操履清慎

當官能自直善詩文予祭墓贈太子少保謚文肅

癸卯盜入岷王府失大明譜系求再給切責之不許

甲辰議遷城武單縣城俱溺於水

乙巳淮安新城火

丁未鴈門等關兵備副使秦偉為鎮守太監吳經蒼頭所毆

不問
江西義官翁亨四以擒大盜王浩授饒州所正千戶世襲賞
千金
已酉江西巡撫右副都御史孫燧巡按御史晉江林潮與鎮
守太監畢真工宸濠孝行宜旌禮科給事中邢冢駁其悖謬
禮部尚書毛澄覆其等語附
上頗聞濠逆謀怒曰宗藩善
否朝廷自知何輒請也各詰其實初宸濠親喪善哭聲動宮
庭徒涉送整後變作論者以林潮黨逆落職
轉談遷曰宸濠孝行請下史館在正德二年十月辛巳則虛譽

為風除越除之紀矣而撫按猶沾一焉因其偽而飾之冀彼
計蓋匿或不遂為逆即為逆猶可少緩其發徐為之圖亦撫
按之曲計也林潮在江西抗法自嚴濠教侵之堅不為動
御史范輅被逮累以禮與爭設孫忠烈或遷代且與林潮
氣同論罷矣世以誠敗律人如此逆莽逆濠俱以孝盜名今
昔豈輒使無末覆幾與曾閔兢節矣
庶或限王府使以不許以留京師時寧府常數輩潛京師謀
頗泄故禁之
詔中外官舉將才

錦衣衛指揮同知朱海冒錦州功進都指揮僉事
中旨御馬監太監趙欽分守四川建昌行都司并川南道淮
安倉太監許滿改太岳太和山奉香兼分守湖廣行都司
丙辰遣太監賴義駙馬都尉崔元左副都御史顏頤壽戒諭
宸濠先是南昌謝儀善東廠太監銳張勸其卻濠賄銳問故
目述其異圖銳悟且與朱寧方隙欲發其交通狀於是御史
蕭淮奏宸濠招納亡命西山牧馬殆萬匹南康私舡千艘虐
徧江西毒及他省旗校內使接踵京師不知其故且群党如
致仕右都御史李士賓儀賓顧官祥指揮葛江王信引禮丁

璜內使陳賢壽山熊壽涂欽梁偉義官倪慶盧孔章徐紀趙
七謝培省祭官黃海秦梁舍人李顯忠校尉查五大信樂工
秦營皆晝夜密謀又招建昌盜凌某閔某等為翼不早制之
後患何極朱寧見跡持還家數日屢詆淮之安約張銳同求
旌濠孝行銳託故不往且先言濠不軌狀故不之聽曰虛實
久自見也果証淮將馬往遂下淮奏於內閣楊廷和以宣
宗處趙王事宜遣大臣宣諭上然之廷臣議左順門皆如
廷和言遂勅義等齎書諭曰叔祖在宗室屬望尊重朝廷禮
待有加但道路流傳不無可疑往者與寶副隘順等奏請不

法朕未遽信近信官所奏亦同廷臣謂宗社大計宜存遠慮
朕念至親且不深究然隱忍不言彼此懷疑亦無兩全之道
昔我宣宗皇帝回越所願言特遣駙馬袁容等書諭即懦
然改悔獻還護衛至今承享富貴今遣書奉告可倣此意以
原章護衛并屯田獻還所奪官民田土皆復故至賊党散遣
朕亦俯從寬典並不深究此朕至情叔祖其圖之初濠賂臧
賢朱寧及張銳陰許其世子入為東宮至是寧懼執濠所遣
盧孔章等二人下錦衣獄又歸罪臧賢擬成邊盜夜殺之孔
章等亦獄死臧其口廷臣多受賂終不可諱莫璽等寢其謀

不知濠惡已稔非空言所制也義等在道變遂作

也亦前南京右副都御史張鳳卒而貪春人成化辛丑進士才

六 癸亥朔提督軍務兼巡撫甘肅右都御史鄧璋去提督仍巡

撫

諭延綏山西寧夏甘肅陝西遼東薊州各總兵巡撫官職任
俱增入各鎮守太監勅中大學士楊廷和等以職任不同且
定制而紊之孰執其咎
甲子初巡撫四川右副都御史馬昊以松潘兵攻東路番寨
兵敗殺游擊將軍張傑指揮龐昇千戶何英百戶李高喪三

千餘人畏被劾甯之
乙丑南兵練沿江兵巡哨時多江盜
丙寅太岳太和山太監許滿乞長蘆鹽三千引特許之
丁卯傳加宣府巡撫左僉都御史審杲贊理軍務
戊辰江南把總運糧署都指揮使王佐為叅將協同漕運
己巳西安府大風拔木

癸酉戶部右侍郎鄭宗仁為左侍郎刑部右侍郎邊憲改戶部右侍郎
丙子寧王宸濠反巡撫右副都御史孫燧按察副使許逵死

餘燧

國始

之宸濠以蓄異志信術士李自然等誑城東作陽春書院
以當天子氣招集亡命縱掠商富置偵騎伺京朝起居所忤
官使輒中危法勢張甚及聞遣諭大懼謀先發適生日燧等
入笱例宴至是入謝遂閉門環甲大言曰今上非孝宗子
叔失德太后有密旨召我衆相顧矐矐燧前請旨曰毋多
言若能危我入南京乎燧叱曰天無二日民無二王寧知他
濠令甲士縛燧逵抗辯且憤罵謂燧曰我欲先發奈何并縛
逵殺惠民門外濠脅逵用之刀久未下逵罵曰何不速殺
我逵不屈立而受刃布政使梁辰胡濙按察使楊璋叅政王

綸劉棐程果副使唐錦賀銳參議楊學禮許效廉俞事師夔
潘鵬賴鳳王疇都指揮馮驥許清白昂王起郊文等皆拜稱
萬歲各羈置之遂縱囚收帑分奪諸郡縣印起兵宜春王拱
櫟瑞昌王拱楫鎮輔將軍觀鉞宸瀾宸濠觀瀛宸洧拱
械宸瀾宸汲宸陽宸澧宸濂皆聽命是夕左參議上元黃宏
憂憤手械蹙頸卒戶部主事莆田馮思聰絕粒三日卒濠迎
右都御史李士實拜國師貢士安福劉養正為軍師參政王
綸為兵部尚書養正草偽檄曰有祖宗不血食者十有四
年語尤狂悖檄云正德惟書大明已郊孫燧字德成弘治癸

丑進士許達梁汝登正德戊辰進士宏進士思聰字懋
聞弘治己丑進士河南人後贈光祿寺卿傳言宸濠友殺一
都御史一劄使達汝曰嗟乎吾兒也為位而哭友人都給事
中給事曰寧邸必反汝登其為文山乎司業郭介哭曰許
公死忠其素定非臨難倉卒委之無奈何者
袁泰曰國家養士有禮復死忠崇義烈累遭變故而奇節
挺見疾風勁草挫而益奮然皆未如孫許之烈者也方其
露刃林列戈鋌在頸從逆者生不從者死而二公獨抗折
其鋒挺立受僇首竿藁街精貫白日雖帶小睢陽信國之

烈不足過也彼懷二心以偷活旦以者亦獨何哉
林大春曰孫公之經略江西也蓋四載其所為操心慮患
者甚深何嘗一日不為宸濠地耶變起倉卒致舉義討逆
之志未施此亦有足悲者然謂兵四集文成因之以擒王
斬將伊誰力也嗟乎汲黯在而淮南寢謀張巡死而江淮
保障至如公者其殆無之不然而寘鏞之及非不戕殺鎮臣
也卒之浪外無稱焉語云死有重於太山有輕於鴻毛者
其此之謂也
殷士儋曰許公自筮仕官山東且十載戍績抵江西逾年

難作予早歲聞諸父老談許公不獨禦寇一事平居治行
敦大體不愧古循吏至用兵料敵能以寡覆衆噫當濠未
反也設公得專行其志如山東時必能先幾制變常使勝
筭在我濠中有憚不發江西可幸無事矣謀格幾失令東
手俟變徒誓死報國與倉皇無策窮蹙而死者等公之初
志豈遽止此已耶
何喬遠曰范輅與胡世寧首折宸濠之奸而孫許橫批之
星斗有政天夜亦明江西人言孫公就縛時年頗高筮者
折其臂賸一耳許方二十有六罵不絕口挺而受刃斫不

動。朝命建祠孫公尚左乃始則尚許夫孫公措注峻密無
頭吏恣防豈大聲色哉王允寧傳孫為其語甚壯也太過
乃或以孫保濠賢孝為貶舉王新建討賊時語疑其觀望
蓋小人好議論不樂成人之美韓退之同云
林之或曰馬公以節使臣江右非封疆臣比寧藩節雖不
往河地而議決先發制人之策以及於難時守臣孫許外
未見有張巡其人者則馬公之慷慨真可維臣節矣或謂
黃馮二公不與孫許同奮睢陽之舌而以後死亦少懦矣
予曰否、死以明志苟能捐七尺之軀即不負臣之義可

對先君地下前後何論乎獨怪事定之後陽明不謂請卹
何也唐文襄曰大節同者不拘小異至德合者不拘微跡
案四公之死孰得而瑕瑜之

談遷曰逆濠非有才武恃其詭譎輕財如擲遂藉之以市
天下計不亦佐哉孫許死節民到於今稱之幸濠不旋踵
而覆石則張謝葛盧之後寧無參夷五宗者乎逆濠舉事
同靖難之歲月即非意合亦足徵天巧矣
總督兩廣軍務都御史改總制尋改提督時上稱總督軍
務故

丁丑宸濠偽授閔廿四廿八凌十一吳十三萬賢一賢二熊
十四十七楊清楊鳳都指揮等官同承奉徐欽等分攻九江
南康掠舡吳城令校尉趙智報浙江太監畢真起兵儀賓李
蕃李世英如瑞州華州瑪琿等寨貢士王春等如豐城奉新
東鄉妃弟婁伯如進賢廣信各募兵王綸檄召妣源等峒賊
叅政季敷檄諭王守仁教諭連賓等分諭廣東及吉安南贛
等俱質其婦孺濠欲即大位改元順德李士實等以下南京
行之濠乃下令整師
戊寅偽兵陷南康知府陳霖同知張祿先遁祿汲縣貢士後

調莊浪典史

已邨興王祐費年四十四墜松林山謚曰獻王性莊默

嗜書居國想母邨妃甚張史張景明日賦國中景物一篇以

解王恩王設藥餌以療疾減租稅粥饑民張景明獻六益于

王敬受之

偽兵陷九江兵備副使曹雷知府江穎推官陳深指揮許鸞

皆遁按察僉事師夔尋偽授兵備副使

進賢知縣劉源清勸兵禦賊誅濠妃弟婁伯及通謀者又龍

津驛丞孫天祐餘于知縣馬津亦起兵殺其募兵者數十人

餘皆潰歸濠欲攻源清李士實曰大事既定彼將馬往乃止
都御史王守仁至豐城間變走吉安
庶辰提督南贛汀漳右副都御史王守仁吉安府知伍文定
起兵討宸濠文定說守仁曰賊烏合勢必敗而一時猝變無
抗者公威望素重宜即吉安起義集諸路兵擣其穴必潰身
敢任麾下之役守仁善之即召募故所部來集鄉紳都御史
王懋中副使羅循羅欽德節中曾直御史張鰲山周魯評事
羅倫同知郭祥鵬進士郭持平謫官驛丞王思李中編修鄒
守益等皆至傳檄聲罪衆心始定留兩廣清軍御史謝源刷

卷御史伍希儒紀功又檄某省某省兵約數十萬至江西促
有司治餉以疑濠

命大理寺少卿李鐸安撫土魯番促貢使出關并按哈密
亦虎仙等通事初寫亦虎仙計留其王速壇拜牙即於土
魯番又招土魯番攻肅州下刑部獄其子未現馮黑麻囚甘
州是逃入其餘之脅和官軍追獲之

卒也設福建平和縣隸漳州
逮四川巡撫右副都御史馮異以征松潘南北番寨連敗匿
不以聞巡按御史黎龍工其罪

下康海曰內江入駱松祥作亂有衆至數萬有司議兵討之
並曰賊初近百人耳餘皆良民爾從未可盡戮也乃勒兵
坐境上傳檄諭之其衆果散去遂寧奸民挾其三里之衆
曠役四年矣猶弄兵山中以脅其有司公命縛渠魁十數
人餘民復彼如初膚淺者當何如也茂州羌悉衆圍城
水盡圍急公遣人諭羌以朝廷威德且使人入城授方略鑿
金井以待圍解衆人目謂為馬公井云使他人當之馳奏請
軍矣
癸未故太監鄒敏授詹錦衣衛指揮及僧道醫士二十八人兵

科馭之不聽

辰濠釋御史王金主事金山布政使梁辰等各還署惟知府

鄭獻不宥僉事師夔潘鵬從軍叅政程杲叅議許效蕪賴鳳

治餉

乙酉通政使李瓚為左副都御史督居庸山海關東西墩堡

撫治鄖陽右副都御史王鎮為南京刑部右侍郎鴻臚寺卿

張昱為禮部右侍郎仍署寺事

立廣東鉄稅廠

前太子太保禮部尚書田景賢卒景賢涿州人成化己未進

士授戶科給事中守官四十餘年廉謹如一且沒無以殮士甚稱之

宸濠為授承奉劉吉提督軍務參政王綸贊理軍務內官萬銳鎮守江西指揮余雄總督巡守貢士諸鳳劉養正門生劉子遠等為兵部主事貢士甘桂及李士實子汝祺等為錦衣衛指揮

潞城縣大雨雹

戊子太常寺丞張道榮為少卿樂舞生

己丑宸濠兵圍安慶先焚彭澤湖口望江突至城下舟五千

餘守備都指揮楊銳知府張文錦同知林有祿通判何景賜

知縣王誥指揮崔文等禦之已兵漸集固守拒之甚力

真軍上微行市冲或至西夷館菜園夜不返大學士楊廷

和等踪諫不報

贈國公沐崑卒崑頗知學屢剿夷有功後驕恣被劾年三十

贈太師謚莊襄

七月辰朔起右都御史文貴提督撫治鄱陽

周天經嗣長寧伯周塘子

宸濠發南昌韶宜春王拱樛等及布政胡濙參政劉棐參議

許效燾副使唐錦僉事賴鳳都指揮王玘等守城自引兵東
下合群盜市少及護衛有從之士凡八九萬人舟千艘餘瑞
昌王拱楛等數人太監王宏御史王金主事金山按察使楊
璋副使賀銳僉事潘鵬王疇叅政程杲都指揮郊文馬驥許
清白昂南昌知府鄭獻等皆從城中軍民戶給粟一石錢五
緡方際天凡折牲覆封將軍宸濠九江王使前驅雷震死敗
端見矣瑞州知府宋以方前忤宸濠為撫鎮劾幽南昌至是
有登舟至鄱陽湖望康郎山曰吾得死所矣投水死年四十
四弘治乙未進士黔陽人以方字霽卿

太白晝見

許山東河南織幣折價惟江南如故

命安邊伯朱泰即行亟徵諸路兵悉會

科左給事中祝續

徐之鸞監察御史孫孟和章綸紀功

御馬監太監尚春鎮守福建

四川鹽井衛大雷雨西域樓災福建泰寧縣火

三月朔寧波知府寇天叙為應天府丞

年伯朱彬提督東廠錦衣衛官校時張銳東廠朱寧錦衣

彬兼其寵

故巡視四川右副都御史高崇熙贈右都御史子薦詹百戶
陸世錦衣衛副千戶崇熙值盜廖惠等報至輒單騎遁惟事
招撫嘗中江遇廖惠呼為掌營況笠於江誓之又昇賊臨江
市貽患數年被劾逮繫道卒至是子薦奏辨兵部尚書王瓊
私之

癸亥前太子少傅南京兵部尚書張潔卒潔字仲湜全州人
成化戊戌進士館選授編修歷侍講侍讀學士長禮吏兵部
俱南京倡同官請擇儲臨事明決性剛褊寡合
丙寅廷議防邊居守事宜司禮太監蕭敬等大學士楊廷和

等內外坐營官府部六科東廠錦衣衛各賜勅

致仕永順置慰使彭世麒以征彬桂盜功辭賞命立坊曰表

勞

金星晝見庚辰城

丁卯傳單總督輝務威武大將軍總兵官鎮國公朱壽勅

戊辰遣新寧伯譚祐駙馬都尉蔡震祭告郊廟啟行

巡撫貴州右副都御史鄒文或改南京右副都御史

起侍養戶部右侍郎邵寶為南京禮部尚書巡撫蘓松都御

史李克嗣為戶部右侍郎督理輝餉仍兼巡撫克嗣聞濠變

身將兵屯采石遣諜順涿而下檄王師十萬四至以疑之
潘陽中屯衛都指揮使袁傑為後府都督僉事冒捕盜功
已命太監張永提督督造機密重務兼勘逆黨宮眷庫藏
辛未錄安慶功守備署都指揮僉事楊銳進都指揮僉事充
叅將分守安慶太平池徽寧國九江饒黃蘄安慶知府張文
錦為太僕寺卿提督九府餘俟後命

壬申諭大學士梁儲蔣冕扈從

癸酉清寧宮監定址太監張永張銳劉養孫和谷大用蕭欽
魏彬溫祥賴義秦文張欽韋霖張淮李英新寧伯譚祐平

伯朱彬尚書兵部王瓊工部李鏞左都督朱寧各世錦衣正

千戶又加詹劉養姪千戶欽孫和姪千戶宣俱都指揮同知

朱彬子總旗然指揮同知譚祐子百戶綱都指揮僉事朱寧

子都指揮僉事永安為都督餘指揮千戶等有差

詹楊廷和梁儲蔣冕毛紀世錦衣正千戶

甲戌南京給事中王紀等御史吳彰德各止親征不報

乙亥右都御史鄧璋為南京戶部尚書

吉安知府伍文定為江西按察使

王世貞曰文定烈士也孤城孑然角強籓不為動衛堅陷

深至介謂之夫披馮夫江西固制帥德憲揮霍提其領夾
之不少矣夫

大學士楊廷和請詔寬恤如討真鑄故事以朱彬阻之

丙子勅勞南京內外守備參贊官初守備太監劉珣以百餘

人貯火藥相中出城為濠應事泄乃已

御馬太監廖宣提督蘇杭織造

已邗南京刑部尚書戈瑄致仕

庚辰起前江西布政使鄭岳副使胡世寧以先與宸濠忤也

辛巳翰林院庶吉士汪佃葉桂章葉式王三錫陳沂鄭灝為

編脩張星蕭與成季方湯惟學為檢討曹懷儲昱汪思史道

劉穆楊士雲鄭自璧為給事中黎貫席春許宗魯為御史江

暉廣德知州馬汝驥澤州知州汪廷陳裕州知州汪應軫泗

州知州曹嘉大名推官俱言事忤旨

太常寺少卿潘辰致仕

冰吹免蘓松常鎮夏稅有差

壬午提督撫治鄭陽右都御史文貴改巡撫甘肅

袁州贛州知府徐璉邢珣為江西布政司右參政

楊廷和推南京吏部尚書劉春專誥勅上以廷和鄉人不

允清陳狀跡江不問蓋爭鎮國公勅藉此譴之
癸未請工發京師給平伯朱彬提督贛畫機密軍務仍軍
門提督官校左都督朱周協贊錦衣衛都督朱寧隨征
甲申宣府右衛百戶劉昱綏德衛指揮僉事趙傑榆林衛百
戶李虞陽和衛舍人馬聰俱賜姓朱氏帶俸錦衣衛
此兩諭南京守備參贊等官燬辰濠偽檄違者罪之
杖教坊司樂官臧賢施鉞司鑑於午門城馴象衛籍其家朱
寧使殺之張家灣以戒口
丁亥上至涿州留太監張忠私第江西捷至猶決南幸奏

奏不下

戊子工至保定

庚寅楊廷和請回蹕專遣重臣徃江西

辛卯吏戶刑工部左侍郎廖紀鄭宗仁金獻民劉永兵部右

侍郎楊廷儀右僉都御史李鉞左右通政柴義張璠大理左

少卿吳祺同內外坐營官防守九門

戶科給事中席彙夷陵州判官李長福寧州判官以長按黔

國公沐崑所劾按察使沈恩等事詞及彙併下獄調外則

上怒言官伏闕也

九月辰朔上宴保定之郡堂以巡撫伍符善飲為藏鈞之戲
符偶勝上不憚酒之符頽然乃笑保定府知事
代符飲三觥扶符出又禁民間畜猪以國姓同
命駙馬都尉蔡震守端門崔元承天門魏國公徐鵬舉北安
門鎮安伯魏英永清伯谷大亮東西安安定伯張容鎮平伯
陸永東西長安門英國公張崙正陽門遂安伯陳鏞崇文門
安鄉伯張坤宣武門恭順侯吳世興朝陽門都督僉事朱鏞
東直門李瑾安定門都指揮僉事黃鎮德勝門詹冕西直門
襄城伯李全禮阜城門

癸巳上發保定

南京鴻臚寺卿夏昇服闋致仕加南京太常寺卿
甲午前南京操江右僉都御史陳世良卒臨海人成化丁未進士

丙申總督漕運改提督

戊戌上至臨清守臣進宴上簡之而不怒右僉都御史

王珣稱觴緩上目之總兵神周休以上意叵測明日復宴
總理河道右副都御史龔弘趨而言名氏意別於珣朱彬比
之觀并罪上不動太監黎鑑家人得罪鑑傾背獻珣不可
忿而爭鑑泣訴上曰若不遂所求耳鑑語塞

乙巳科道以擒叛請回驛不報
丙午昌平開平等衛地震
都御史王守仁械宸濠自獻捷至杭州值太監張永即付之
蓋上遣永邀守仁也守仁厚結永力言江西困狀不堪擾復
還江西張忠朱泰朱暉等先由大江趨南昌蒐餘黨民間騷
然聞守仁趨杭州大沮屢請於上幸永力為解忠等叩守仁
不我待縱所部凌守仁或指詈之守仁日撫慰不能有所加
留數旬而還
高岱曰武宗惑於群小欲幸江西守仁欲為保境恤民

其計宸濠不可不執赴闕下然命一將入獻無不可者而莫
必於親往耶既有巡撫江西之命職守有在况屢有詔止
何可違也既不得行遂稱病解官此與岳武穆棄軍歸山
之意同郭子儀處唐肅宗即不如是已豈所謂公遜碩膚
之道也雖然此春秋責備之義也孔子曰微管仲吾其被
髮左衽矣朝廷貂璫盈座而守仁之後至不得蒙麓川安
化之賞其何以安天下後世之心乎
隆慶州地震
戊申月犯天街星

癸丑上自臨清單舸疾趨而北從官不知也數人追及之初幸妓劉良女贈簪為約馳蘆溝失之召劉不至遂晨夜抵張家灣偕而南值湖廣參議林文縉舟入奪其妻

崇明海盜起

甲寅勅勞應天巡撫李克嗣

京營都督僉事岑玉為都督同知太監岑章家人冒功

乙卯萬壽節上舟過德州京師百官遥賀

丙辰福泉興化地震

庚申前南京兵部尚書林瀚卒瀚字亨大閩人成化丙戌進

士館選授編修遷脩撰歷左諭德祭酒禮吏部侍郎長南京

吏兵部逆瑾時降浙江左叅政後復官致仕惟仁恕而所守

不可奪在兵部裁用事進獻內臣贈太子太保謚文安瀚子

庭棉庭機孫燧俱尚書甲第福壽之盛當代無兩

袁宏曰林公端厚邃醇正色危言卒犯大奸籍名黨議幾

蹈不測邦之司直其誰入與

十月戊辰星自下台行至招搖化白氣而散

戊辰楊廷和等以郊祀請駕不報

彗刻金星犯南斗

辛未金工復臣臨清

月犯壘壁碑左星

癸酉賑運東

早次免蘭河隴西九縣田租有差

甲戌雅州地震

乙亥夜月食既

寧夏地震有聲

戊寅前巡撫保定右副都御史張淳齊淳合肥人成化可未

進士令瀏陽拜御史跡救劉遜出守吉安治稱最雖古循吏

不能過晚在鎮少防範功名頗損論者惜之

壬午上發臨清

許州蒲州等縣地震

癸未昏刻金星犯天狗夜木星犯氐宿

甲申撤馮兇罕番王可重速檀等入貢

福建海寇平

十月辛卯朔上過濟寧

丙申至徐州

戊戌增福州捕盜通判治古田杉洋漳州捕盜通判治南詔

辛丑上御龍舟發徐州

已至淮安清江浦幸監倉太監張陽第時巡幸所捕魚鳥

分賜左右雖一鬻一毛必金帛謝上漁清江浦累日南京

河南山東文武官咸集俱戎裝徒行不辨貴賤朱彬日傳旨

微索緹騎四出通判胡琮懼而自縊南京守備成國公朱輔

見彬長跪總兵鎮遠侯顧仕隆稍不屈彬數侵之又矯旨索

民間鷹犬珍寶古器稍拂之三木囊頭矣綠淮三四百里人

甚苦之

癸卯朔犯天街星

己酉太常寺博士姚鈺武昌推官衛道為南京兵刑科給事

中

壬子臣聞上在清江浦有官選賀

癸丑范承鑾王果彭占祺俞集鄭氣簡霄周在鄭本公吉棠

傅桂郭楠李孟旭楊銓張彥果余翔王鈞胡松喻漢陳克恭

周允中並為試監察御史

甲寅上至淮安屏侍衛步入城幸鎮遠侯顧仕隆第朱彬

怒仕隆嗾嬖倖言總兵府有兩銅座戎重大即大內不如也

上視無有遂出

丁巳羈朱寧於臨清收其家屬 上南征已留寧居守寧惧
遠北上覲嫉私求扈從 上時出正陽門始得命朱彬以爭
罷臨清進間止寧創皇店遂白其通濠狀 上固疑之將
渡淮遣繫 已未 上至寶應漁於泥光湖命右副都御史臧鳳舉網不
克回官許久尚不解漁耶
十 二月辛酉朔 上至揚州先是太監吳經奪民鉅宅改督府刷
良家子嫠婦侍幸民間女婦爭嫁匿或以賄免知府蔣瑤力
為請有備亦罪不備亦罪寧害於身不及民也經密覘嫠者

及倡女家夜半稱詔遍入其家梓之去匿必窮搜無一脫者
紛焉尼寺俟其金贖否則悉入督府

在戎止數騎獵城而入上方寺自是數出獵劉姬諫止總
兵神周奉命搜泰州鷹犬括居民百餘人充獵師獵草場三
日止得數麇兔復欲獵海濱道躡而止索泗州美人知州汪
應軫言泗女陋有桑婦如千人河禪王化乃已

丙寅水災免河南田租有差
戊辰大同山陰縣地震
庚午庶吉士閻闔服闋為吏科給事中

肆未諭滬從大學士梁儲蔣冕明年暫南京郊祀力言其不
河南京郊仁祖配天北京郊太祖太宗配天若遂南京
郊配位不知所載楊廷和亦言之議寢

壬申冰吹免順天河間永平保定糧芻有差

戊寅工閱伎揚州御按撫館宴以饋進

己卯工臣儀真

水災免大名真定順德田租有差

前太常寺少卿潘辰卒辰景寧人僑居燕弘治初薦授翰林

待詔直內閣刻若問學持身馴謹歷典籍博士編脩所草誥

勅未嘗受贄人皆賢之特予祭塋

庚辰月犯上相星

壬午遵化地震聲如雷武昌地震

癸未工漁儀真之新聞觀於江命朱彬攝祭明旧入民黃

昌本家閩太監張雄守備馬良所選伎半入於舟

乙酉工渡江

丙戌上至南京

丁亥上祭太廟明日祭奉先殿

是年工部員外郎鄭善夫請改曆元言歲差之法自晉虞喜

始定五十年天運一變何承天復定以百年隋劉焯取二象
中數定以七十五年唐一行復定以八十三年元許衡王恂
郭守敬復定以六十六年有餘凡經數十人歷驗千載年至
元授時曆似精密矣只今新法據許衡等六十六年有餘之
數推演仍又不合天道豈易言哉且如定歲之法積四期餘
一日一日分加於四晷故二至之期在絲忽之間月大難准
要須酌量以定如定日之法一日百刻所以變為九百四十
晷者以氣朔有不齊之數難分也每月三十日二氣盈四百
一十一晷二十五秒一朔虛四百四十一晷積盈虛之數以

成閏故定朔必四百四十一晷前後為朏胸在一晷之間自
古無真知亦酌量以定者如日月交食惟日食最難測月食
分數惟以距逆遠近別無四時加減蓋日為月體所掩而日
食大而月小朔上而月下日遠而月近日行有四時之異月
行有九道之異故旁觀者遠近自不得而同矣如北方食既
南方纔半虧南方食既北方纔半虧故食之時刻分核須據
地定表日時求合而後準也正德九年八月朔日食曆官報
已往每年減一是以太乙甲子為曆元而不以壬元辛巳為
曆元也所謂以辛巳為元者蓋曆家以世數遠遠難於推筭

故截去貞元而始以辛巳為始耳遂使膚淺之士無所考據
紛、異詞不知曆元之所在矣至於歲差之法起以子半虛
六度約六十六年而退一度自堯時迄洪武甲子退過四十
九度五十七分故冬至日躔筭七度七十九分正統甲子退
過五十度四十一分冬至日躔筭六度九十六分弘治甲子
退過六十一度二十四分冬至日躔筭六度一十三分嘉靖
甲子退過五十二度七分冬至日躔筭五度三十分以後每
歲約退一分三十八秒四十七微步曆者隨年減去之矣豈
仍至元辛巳之舊哉今改至元辛巳冬至日躔筭九度二十

七分一十八秒至嘉靖初年日躔筭五度八十五分蓋退過
三度六十餘分矣又將何所改耶自嘉靖初至萬曆壬午六
十一年又退九十三分故今曆冬至日躔筭四度九十二分
其與至元辛巳日躔筭九度三十七分者相去遠矣而謂仍
用至元之舊也果何見哉至於日食起復方位多寡分數積
有不同則以南北地勢不一里差之法未之講耳故正德甲
戌日食日官推步八分六十七秒而閩廣之間遂至食既萬
曆乙亥日食京師未甚而蘓杭亦至晝晦則南北之地勢使
然也蓋日輪大而月魄小故相掩之際自下視之南北不同

每千里而差一分東西不同每千里而異數刻矣夫豈曆元
不精歲差未改使然哉若以為歲差未改所致則自至元迄
今已差四度五十九分以法推之則合朔之時月已去日四
度五十九分矣若之何而能食耶按法月行一日十三度有
奇則一時當行一度有奇而四度五十九分當行四十餘刻
矣如使歲差未改則今日食與日官所步者當差四十餘
刻豈止起復方位多寡分數稍有不同而已哉若因此而疑
曆元之當改則悞矣

庚辰正德十五年

正朔寅朔上在南京謁孝陵

浣衣局幼女甚衆薪炭歲十六萬斤會增給時近律多獻幼
女又累年巡幸所收局至不能容或餒死不之問

丁酉立春戲劇如宣府時

戊戌土魯番哈密貢使留二年未遣告資賸遂賞金織文綺

絲繒有差

甲辰增平涼收糧通判專寧夏西路

逮臨淮知縣吳鼎內臣楊秀誣其慢

廣西副總兵張祐鎮守太監傅倫都指揮沈希儀等擊叛徭

於臨桂灌陽斬五百餘級

丁未星隕於山西龍舟谷巡檢司少頃火作司廳燬

壬子太原地震

遼東饑指揮唐斌千戶侯能逃三十餘人命亟予俸

五甲寅水災免鳳陽淮安揚徐滁和糧芻有差

乙卯周府麗水王晏汾薨謚靖恭

戊午水旱免湖廣田租有差

前應天府尹陳良器卒仁和人成化辛丑進士嘗守池州歲

執太監畢真劉瑯都指揮廖鵬廖鏜齊佐王準都督同

知王璫下錦衣獄皆濠党佐準皆朱寧壻

己未金星晝見辛酉戒

二期申朔夜沫星自軫宿行至近濁

乙丑秦州地震聲如雷昏刻月犯天街星

宸濠械臣泊於江上

丙寅禮部左侍郎兼翰林院學士石瑄侍講學士李廷相至

禮闈

丁卯夜土星犯羅堰星

戊辰防守白羊口都督僉事張椿疾去

昏刻月犯五諸侯東星

庚午吏部以考察日久先遣小吏回餘俟駕回定奪

辛未夜月犯軒轅星

乙亥巡撫保定右副都御史王崇文卒崇文曹人弘治癸丑

進士館選授戶部主事歷江西四川提學副使才明爽而粗

保定任未赴

壬午太原地震

甲申平陽洪洞趙城有流星如火聲如雷臨淄樂安亦如之

戊子夜流星自太微垣行至西雲中

前巡撫湖廣右副都御史湯全卒華亭人成化壬辰進士

三 庚寅水災免陝西寧遠縣糧芻

壬辰昏刻月犯星

甲午許祭祀仍用豕初太常寺以禁豕請例用牛羊豕止以

牛羊例用豕羊止以羊下禮部議如舊

丙申安寧姚安大理賓川蒙化鶴慶俱地震蒙化震二日壞

城舍

辛丑楊廷和以郊祀考察廷試及孝貞純皇后大祥告祔

諸大典乞回蹕梁儲將冕亦言之不報

甲辰御馬監太監楊簡鎮守山東

夜月犯亢宿

辛亥雙涿新津縣大雨雹傷稼

三 太保會昌侯孫銘卒

四 月未淮揚 大饑賑之

庚申夜流星自太微東垣行至近濁

辛酉脩太廟殿廡及社稷壇殿

癸亥禁自宮者

甲子張録李繼宗陳德鳴田美孫元陸翱董雲漢丘道隆劉

源清李美劉穎楊材王祿為試監察御史穎材雲漢祿繼宗

俱南京

丁卯脩築南陽白河

己巳琉球入貢

壬申四川長寧珙縣大風雨雹板木傷牲稼

癸酉夜月食

戊寅大同天城衛火

庚辰榮河縣大雨雹傷稼

丙戌貴州兵協四川勦焚蠻尋平之

輦昌有星如赤日自東北涿隕天鼓鳴

丁亥前巡撫山東右副都御史朱欽卒欽即武人成化壬辰

進士授寧國推官拜御史有風采在山東禁釀忤瑾奪官端

重清直歷著聲績其學師吳與弼年七十七

五 朔郊山西靜樂縣火

回賊劫汧陽殺知縣賈鉞

丁酉國子司業穆孔暉為翰林侍講

辛丑水旱免寧國池州太平安慶糧芻有差

癸卯應天府尹胡宗道卒扶風人成化辛丑進士值南狩數見侵辱如傳吏憂懼遂不起

庚戌大理府地震

甲寅咸寧侯仇鉞卒鉞世寧夏前衛指揮同知自平寘鐸討

涿盜後上在豹房召入侍固稱疾遂得全其智足稱不獨

從戎矣嘉靖中謚威襄

六 丁巳朔上嘗幸牛首山宿寺中諸軍夜驚

效勇營後府都督僉事李瑾卒全寧人

甲子土魯番入貢歸我所攜吏卒及哈密王速壇拜牙郎妻

妻家人惟留王未遣兵部議許其和巡按陝西御史潘傲言
如此適見輕且始阻肯使勅責其犯順仍畫索歸人擇使往
議後納之報可

丁卯雲南白鹽井大風雨壞廬舍

己巳沂州考感鄉立諸葛亮祠亮生處巡按御史熊相祈請

綿州威州保縣中江地震

辛未廣東程鄉縣地震聲如雷

乙亥收近邊餉諸將嚴備

辛巳大同府大雨雹傷稼

前署大理寺事工部尚書楊守隨卒守隨字維貞鄞人成化

丙戌進士授御史按贛吏李孜省罪後見擠調南寧性剛直

遇事敢任忤逆瑾繫獄一月罰粟千石家至屢空裕如也少

與從兄弟守陳守趾相砥礪白首無負贈太子少保謚康簡

壬午始允考察降并二千四百七十八人

令連東延綏游擊將軍林睿劉玉周政兵還鎮睿從征王政

成偏頭大同

安慶府火

癸未右府都督同知安國卒國世綏德衛指揮僉事正德三

年武舉第一授署指揮使屢立功端謹知兵尋崇差贈左都督謚武敏

前太常寺卿夏昇卒海南衛人弘治庚戌進士

癸未梧州封州各地震有聲

夜台州有火陷於空者三大如盤觸草木皆焦良久滅

甲申科道請班師不報

丙戌蓋州衛地三震

七月亥朔盜劫滄州

雲南彌勒州十一寨作亂尋討平之

廣東平陽江盜平

丁酉操江南和伯方壽祥劾罷

夔蠻平初四川芒部府土知府隴慰子隴政隴壽爭襲仇殺

隴壽微弱既襲被殺隴勝稱壽養子襲所部

棘蠻阿又礫者唾者鳩等目逐劫貴州兵俘四十二人斬百

有十九級巡撫王軌議隴勝非壽子而興復土官彼孺子何

知藜落懷德長官阿濟之所脅不濟為矣乃奏設派官知府

三四長官司後試知府程沈迂暗旋復報罷

戊戌少師大學士楊廷和滿九年考賜勅宴禮部

辛丑^時有物如豕首墮上前色綠又所館婦人處四壁若人首懸其上大學士梁儲將見目請回鑿不報

壬寅普定衛指揮使王雄為署都指揮僉事冒香爐山功

甲辰逮湖廣按察副史黃天爵都指揮僉事劉淳以奉命往

按永順保靖之爭避不赴被劾

丙辰朔廣東蘇峒十一山青龍岡等盜平斬萬一千二百五

級俘四千一百四十八人

庚申夜福建福泉地震

辛酉雲南景東衛地震聲如雷傾城庫公署民居地多裂

壬戌前太子太保戶部尚書武英殿大學士靳貴卒貴字克

道丹徒人弘治庚戌進士及第授編修歷左中允諭德累陞

禮部右侍郎逆瑾時調光祿卿尋復故再進直閣嘗主辛未

丁丑禮闈有遺議其文本經術在科場崇雅斥浮第周旋權

宦不失富貴人得摘之贈太傅謚文僖

乙丑濟南東昌開封地震

己巳犯宣大仍駐宣府西路牛心山連營三四十里命都

督郤永軍居庸叅將楊玉軍昌平都督朱洪軍黃花鎮左副

都御史李瓚守白洋口

丁丑雲南趙州大雨山崩

庚辰戶部右侍郎邊憲兼右僉都御史督餉宣府

癸未水災免江西田租有差

閏庚寅占城國入貢

壬辰上辭入孝陵初上欲幸江浙湖湘群臣伏闕請還

蹕朱彬欲重譴其黨阻之一之為甚母再也大學士梁儲蔣

冕伏宮門泣請傳旨起退以未得請不敢起乃傳旨許還

癸巳受江西得給王守仁重奏捷叙及親征所遣張忠朱暉

等功

丁酉上旅蹕發龍江初朱彬挾邊兵跋扈無人臣禮諸臣

脅息兵部尚書喬宇事鎮靜彬稍憚之嘗索各城門鑰字

曰祖制以謹非常誰取亦誰與者雖尺一不可得也彬矯

上旨行事宇必請而復之應天府丞寇天叙署京兆挺身協

力每事裁抑日褻服坐堂皇曰知當入詔獄謹預待彬少沮

留京藉此二人以安

已亥唐府承休王芝娘薨薨榮和

辛丑上至儀真

壬寅漁江上

癸卯如瓜洲避雨民家夜宿望江樓

上閱採木之苦令工部右侍郎陳雍優勞官民仍祭神木山
甲辰上自瓜洲濟江登金山至鎮江幸前大學士楊一清
第明日復幸入書室取冊府元龜文獻通考又明日飲一清
第樂作製詩十章賜一清令和之上覽訖為賜數字一清
厚有所獻上大悅及駕還凡五幸焉又臨故大學士靳貴
之喪不勝嗟悼命所從胡僧梵唄而去登北固山見前禮部
主事吳人楊循吉留題目召見行在不能對罷歸忌者謂伶
人臧賢所薦時循吉貧不能糊口典衣赴召安所市伶人為

寬哉

庚戌發鎮江

壬子再宿望江樓

癸丑至揚州

九月己撫按臣設宴慶功金銀牌各二軸一旗幟一綵幣若干

匹餘折價

戊午發揚州

庚申至寶應復漁記光湖鎮守太監丘得奇索上供繫知府
蔣瑤北去至臨清放歸瑤值雨巡僮鳩上供具無橫飲上

偶得大鯉青五百金瑤手卷飾以進曰民貧甚此臣婦簪珥也
臣上不問

耿定向曰維時乘輿至上天威所臨生死呼吸間耳蔣公
輕一身以翼蔽其民難矣近世仕宦者競飭厨傳華

供帳以取上官一時之媚利民膏脂而不惜獨何心哉
辛酉至淮安右都御史叢蘭鎮遠侯顧仕隆等賀金幣上

戎服簪花鼓騎入城過山陽縣學入視廊廡肖像又入教官
舍移資治通鑑等書夜宿故尚書金濂第

癸亥九日左右統進菊材官以之賦民大擾
丙寅至清江浦復幸太監張陽第踰三日
上自出棹漁積

水池舟覆溺焉掖出
上始不豫
丁卯水災免順天永平保定河間夏稅有差

辛未嚴捕盜之禁
丙子
上至東昌

戊寅萬壽節
上至臨清
旱災免鞏昌臨沅甘肅屯糧有差

辛巳前向川按察副使張昂卒昂慈谿人成化丁未進士授

鉛山令

甲申命戶部歲遣官於蘭州理甘肅餉

核京衛放糧文冊

前巡撫遼東右僉都御史張禴卒平谷人弘治己未進士自刑部郎中改御史附瑾驟

遷士論

十 庚寅上至天津

雲南府地震

丁酉周府臨端王安漫薨謚端簡

壬寅孟奇夏言顧濟徐景嵩底蘊胡汭陳江魯綸為給事中

江綸南京

己酉蓋州衛地震聲如雷

庚戌上至通州兵部尚書王瓊來迎瓊亦通宸濠大懼至

是求朱彬得釋時知州劉繹上供御用下給百司井無失

流雖當劇地如也釋州人

辛亥淮安地震

甲寅召戶部尚書楊潭赴行在

前應天府尹王宸卒知縣人弘治庚戌進士授給事中始終

十 一 庚申吏部尚書陸完有罪執赴行在完先江西按察使善

宸濠去後覬覦不絕在兵部為復護衛在吏部徇其黜陟太
監張永搜濠簿籍奏其交通狀至是收完并母妻子女錮其
冢母年九十餘獄死獄具謂受宸濠金壹盞一絲幣四後成
福建靖海衛
太監商忠杜裕少監盧明奉用趙秀錦衣衛都指揮薛璽指
揮陳善御史張鰲山河南右布政使林正茂俱下錦衣獄以
通宸濠受賄也裕守宣武門縱濠使出入鰲山微時濠悅之
因拜覬正茂以江西按察使善濠裕尋死
辛酉免司禮太監蕭敬李英亦通宸濠

己丑福州地震越一日復震

己巳松潘副總兵張傑為都督僉事仍副總兵鎮守

庚午崇明沙千戶所隕火大如斗天鼓鳴崑山亦如之

辛未夜有小闔二人縱北安門皇牆而下執付鎮撫司

壬申刑部左侍郎金獻民為南京刑部尚書右都御史叢蘭

為南京工部尚書巡撫湖廣右副都御史秦全為戶部右侍

郎

河南左布政使李承勛為右副都御史巡撫遼東兼督理軍
務湖廣按察使胡世寧為右僉都御史巡撫四川貴州左布

政使趙文奎為應天府尹鄭岳復為四川左布政使
豐潤伯曹愷署南京前府操江
癸酉山東左布政使姚鎮為右副都御史巡撫延綏提督操
江右僉都御史劉玉改提督撫治鄖陽南京太僕寺卿毛珵
為南京右副都御史提督操江
丁丑盡召內閣府部勳戚大臣赴行在每署止留佐貳官一
人時京師洵傳朱彬欲為變聞是召益懼
已卯大學士楊廷和毛紀朝行在
始下江西捷奏議宸濠罪狀

十

二月丁亥朔 上在通州

巡按直隸監察御史葉相上言 陛下以萬乘之重下侵一

將之事因為非策乃經歲未返道路苦於候迎公私疲於供

應人心危疑四夷窺伺 陛下豈誠昧於此哉殆左右讒佞

之人熒惑以售其奸夫 陛下之天下誰與之 天地祖宗

之所福也今大祀未舉廟祭或缺 陛下之心能安乎 皇

太后惟 陛下今視膳久曠心能安乎三年一考察三年一

策士令過期七八月矣幾務滯而弗行社稷虛而失守心能

安乎且師之所處荆棘生焉今六師久暴饑者弗食勞者弗

息萬一變生肘腋何以禦之昔人有言白龍魚服困於豫且
又曰胡越起於敵下而羗夷接軫可不懼哉願速發明詔即
日班師上副宗社之託下順臣工之心三上不報
遣太監金義陳浩封朝鮮國王李懌子皓為世子賜文綺四
已丑禮部工獻俘儀注工疾不果行
海外佛郎機始遣必加丹末等三十人入貢佛郎機已滅滿
刺加國求封許入京其從者留懷遠驛略人口立案御史丘
道隆請歸國滿刺加方許貢御史何釐以番舶限貢必覈奏
相分如例自吳廷舉不限年至即抽貨致蠻夷雜沓乞復舊

制悉驅在澳番舶禁夷人潛住議從之

使火者亞二本

漢人竄役性黠慧曰江彬謁上南京喜而留之比入京在
館詭滿刺加使臣欲位諸夷上主事梁焯執問杖之

朱彬奏逆黨中宗遠等乞正罪加彬祿百石廕錦衣正千戶
設九江安慶副總兵裁九江兵備副使

賜宸濠死及拱櫟覲鑕宸胤宸瀾宸澐宸瀉宸鴻宸汲宸湯
宸澹追修拱櫟覲鉞拱楫宸瀟上之北還也每令濠舟次
御舟後意甚防之群臣請如高煦寘鑪例祭告郊廟仍勅諸
藩議其罪上不能待即正法或以朱彬將復邀上北幸

也

談遷曰千乘之貴累葉相傳一旦化令旨為詔勅化世子為東宮化護校為列侯化承運殿為天闕事未及一二并頑骨而灰之向使寂守洪都絕意外事將孤寡不穀至今未絕稱也

壬辰彰德地震

南京科道請召費宏報聞

甲午工還京整旅陳俘及家屬數十人陸完錢寧等皆裸縛標白幟於首彌亘數里上戎服騎立正陽門下閱視良久

乃入諸俘自東安門踰大內而出望之皆白幟者知其非祥族遣定國公徐光祚駙馬都尉蔡震武定侯郭勛告郊廟

丁酉工南郊初獻工嘔血仆地掖歸齋宮禮不克終踰

宿入御奉天殿行慶成禮不宴

庚子罷京師防守大臣

水旱免保寧順慶田租

占城國王沙古卜洛入貢

壬寅立春工不朝

丙午災傷免西安田租有差

已酉太監尹輔往饒州治陶部科止之不聽

太監于經狎寵觸工怒錮之內書館受翰林官約束自是

疎外國王也

壬子工力疾視朝少師兼太子太師兵部尚書王瓊改吏

部尚書以朱彬力也

吳年德慶州徭糾叛擄劫封川殺擄三千人及指揮張鼎千

戶王謙遣官馬驥等

辛巳正德十六年

正月朔上視朝如常儀

寅刻永年有星如火變白長六七尺復變句屈之狀久之散

乙卯旱災免淮鳳揚徐糧芻有差

戊午服闋翰林院庶吉士余承勛劉世威俱為編脩

己未祔孝貞純皇后主於太廟工疾甚駙馬都尉蔡震

攝事

庚申禮部左侍郎兼翰林學士石琚為禮部尚書署庶事府

事南京吏部尚書劉春改禮部尚書兼翰林學士專誥勅

旱災免西寧洮州衛田租有差
壬戌兵部左侍郎王憲為尚書

癸亥 上不豫改卜郊擇二月庚寅以疾不果郊

甲子提督漕運右副都御史臧鳳改巡撫鳳陽

己巳吏部左侍郎廖紀為南京吏部尚書

南京禮部尚書邵寶母老終養

庚午進蔣冕少傅謹身殿大學士毛紀少保戶部尚書兼武

英殿大學士

甲戌兵部尚書王憲提督團營

庚辰兩廣上新會新寧等縣之捷

始會指揮僉事張倫守備四川壩底蓋番蠻喉咽特專任之

壬午揚州知府蔣瑤為陝西右叅政

癸未經理糧儲巡撫應天戶部右侍郎兼右僉都御史李充

嗣為工部尚書兼水利

二 甲申朔 上疾不朝

霸州王氏女滿堂以色選入內罷歸耻不欲嫁俄夢趙萬興

為貴正道士段銀挾妖術詭為萬興得婚出妖書煽惑尋携

滿堂逃嶧縣謀逆偽號改元大順已捕誅中旨入滿堂浣衣

局尋侍豹房及工晏駕始出

丙戌昏刻月犯金星

丁亥焦棟嗣東寧伯焦洵從姪

太常寺丞俞九疇為少卿樂舞生

己丑前戶部尚書石玠卒玠字邦秀崇城人成化丁未進士

令汜水拜御史遷山西提學副使歷會官持守甚嚴敷歷中

外清謹如一日

鎮守四川總兵官署都督同知吳坤改湖廣

捕山東妖人劉天錫等詭真人惑眾偽授韓通都指揮等官

辛卯入陝西波羅響水等堡

癸巳廣西古田縣蠻賊平

甲午沐紹勳嗣黔國公崑之仍總兵鎮守雲南

中肯太監晁進分守蘭州楊保分守肅州兵部言非制不聽

戊戌陝西通渭會寧秦隴間盜起

己亥雲南彌勒州十八寨叛夷平擒斬七百餘人

庚子孫杲嗣會昌侯孫銘子

昏刻大星犯鬼宿月犯氐宿

辛丑遣太監金義勅賜朝鮮國王妃及世子金幣蟒玉

壬子入威遠松山等堡焚掠
三癸丑朔日食
乙卯宸濠等妃妾幽鳳陽高墻

丙辰廣東清遠四會縣盜復起
回賊涿劫山陝河南

庚申西官廳改威武團練營太監張忠安邊伯朱泰平伯

朱彬都督朱洪朱暉朱周朱琛俱提督團營仍更拓團營教
場

四川涿盜謝文禮等平

辛酉興長子厚愨嗣興王故事親王薨子未封止給贍粟

二百石俟釋服襲封王是世子母妃蔣氏乞預襲特許之

乙丑併南昌前左二衛為南昌衛

丙寅工崩於豹房先一夕工大漸惟太監陳敬蘓進侍

工曰朕疾頓矣可白太后天下事重其與輔臣議前事皆

朕悞非汝曹也敬進奔告慈壽皇太后移殯大內大學士

楊廷和等定議白太后傳遺詔曰朕疾彌留儲嗣未建朕

皇考興獻王長子愨年已長成賢明仁孝倫序當立已遵

祖訓兄終弟及之文告宗廟請於慈壽皇太后即日遣官

迎取來京嗣皇帝位又 皇太后懿旨諭群臣曰 皇帝寢疾彌留已迎取興獻王長子 來京嗣皇帝位一切事待嗣君至日處分於是司禮太監谷大用韋霧張錦大學士梁儲定國公徐光祚駙馬都尉崔元禮部尚書毛澄奉金符迎於安陸初楊廷和等議定候旨左順門頃之吏部尚書王瓊排掖門入厲聲曰此豈小事我九卿顧不預聞耶衆不荅瓊意乃沮

張邦奇曰 武皇睿智性生臨朝或有糾奏或罪或釋酬應敏甚作詩揮筆輒就曾不構思惜近瞻盛感而忠直士

阻而不得進也

鄭曉曰 帝英武剛斷豁達雖屢巡游而臣民無恐兵革時起而賦役不繁狎弄佞幸而果於用法不相假借大漸之際為天下得人竟開太平之治也

雷禮曰臣輯我明大政至正德間事未始不歎多難迭臻固天所以開 世宗之中興也自閣宦谷大用等八人盡上燕游加以逆瑾乘隙竊柄竄逐元老桎梏臣工杜塞言路取 祖宗紀綱法度一切變更賄差閹党於兩京各省操利權威劫三司剝削生靈不可盈厭而又置腹心於

夫兵聽其指授進退文武官利門大開民不聊生故寘鐻以誅瑾反而涿賊徧及於兩畿山東河南四川江西猝難撲滅皆瑾輩胎禍之大也及瑾伏誅而閹宦又導上召邊將江彬等入衛號義子與上同卧起賜國姓屢導上出宮游戲近郊宣大關陝無不巡幸中外皆切隱憂以致宸濠妄規天意舉兵指斥乘輿豈無從中通之子及王守仁已卒亂奏捷矣而張忠江彬輩又導上南征欲誣守仁併執為功使非張永申救不將為逆濠報仇乎是正德十四年中驕帥跋扈不恭劇盜縱橫日熾強藩稱亂相

望皆閹豎竊政教之也幸天啟世宗盡洗正德敝政與

天下更始而又獨秉乾斷革天下鎮守閹宦使不得操吻於民蓋心太祖之心自正統以來而一見者也非萬世

而下所當謹守不變者哉

陳于陛曰詩曰顛沛之揭枝葉未有害本實先撥武宗

八駿四馳強將在內前代皆所以致亂而能信任大臣朝政不紊故宗社晏然

李維楨曰帝多才藝能自度曲被歌聲群小伺其欲中之遂不自制寬然有一駿萬里之思焉奄人邊帥群盜叛

王四難通作侏得無敗耳

何喬遠曰 帝在東宮勤於學問踐祚之後猶未嘗輟一

時近律盡 上冲年冀幸竊政然覺敗之後即裁繩之謂

天德之剛矣我 明傳序於 帝九世 英宗而上皆嘗

經武過亂至於 憲 一 孝 二 宗文教熙洽息馬投戈惟

帝留意戎事慨然有肅清海宇鞭笞夷 之志郊畿之外

復見旄頭虎豹之闕清塵馬跡七夫萃之士頻從三洲之

詩已奏而輔導謀議之臣不辭於內奔走禦侮之佐僇力

於外良民則俛首供饗餉無怨咨節士則捐軀赴難無顧

悔雖 列聖功德之在天下亦由委託得人紀綱不紊無

急酷之政以傷民心者矣是以能保 祖宗基業以遺之

後皇與

談遷曰 武宗少即警敏好佚樂 孝皇彌留之命諄

諭輔臣意至殷也馮其爽德恬淫是究違玉几之 先諭

耽左璫之近娛朝講廢刑賞無章致禍溢朝野狂談四

沸鼎軸摧折鉤黨之獄幾起甘露之變將形向非朔方睥

之師禍首逆瑾行見廟社然而陰翳解駁叢借無已盜

權如張永張忠煽逆如昇真劉瑯貪虐如王堂廖鵬天未

厥禍桓靈僖昭其深非遠矧益以跋扈之彬寵幸之寧哉
帝閣沉、曾不及新豐之市繡甲華旌輕蹄彤矢日不輟
御雲中上谷河西金城遠詘萬乘之尊擊狐伐兔馳峻坂
望窮漠民至不得保其伉儷享糟糠孤嫠之業盜橫河北
宗抗江右推其冷積豈曰時之無良子雖然精茲亡轍釁
孽萌生厥祚克延亦有其繇焉 孝皇之德厚決肌髓而
武宗又不罪一諫臣元相呵護群吏未法天下之事壞於
劇寇而償於牧守蠱於權幸而翼於閣部其南巡時哀新
貴而詠一清則鑑裁未始不明也夜半出片紙縛瑾不具

孤雛諸養子號肘腋之患錢寧俛首受罪况遺考之際成
王之末命不是過也使稍假時日將與輪臺同悔矣嗚呼
孝皇一傳而躋安所謂天定乎

是日傳遺旨令太監張永武定侯郭勛安邊伯朱泰尚書王
憲選銳防守皇門城都門及草場蘆溝橋又豹房隨侍官軍
勞苦可閱令永勛泰憲提督優卹罷威武團練營兵還團營
邊兵還鎮草皇店官校軍門辦事旗校等還衛哈密土魯番
佛郎機貢使俱給賞還國豹房胡僧及各匠役教坊司人南
京快艇等俱放遣皆楊廷和啟 皇太后行之

戊辰頒遺詔曰朕以菲薄紹承祖宗丕業十有七年矣國
治雖勤化理未洽深惟先帝付託今忽遘疾彌留殆弗能
興夫死生常理古今人所不免惟在繼統得人宗社生民有
賴吾雖棄世亦復奚憾焉皇考孝宗敬皇帝親弟興獻
王長子聰明仁孝德器夙成倫序當立已遵奉祖訓
兄終弟及之文告於宗廟請於慈壽皇太后與內外文武
群臣合謀同詞即日遣官迎取來京嗣皇帝位內外文武群
臣其協心輔理凡一應事悉遵舊制用副予志禮部左侍郎
王瓚署部事右侍郎顧清請成服舉哀設喪王瓚曰喪主誰
為之清曰宋孝宗崩光宗病太皇太后代為喪禮今慈壽
是也閣議問所出曰出癸辛雜志遂據以定禮
已巳殯

庚午皇太后懿旨執江彬神周李琛下獄彬統邊兵侍豹
房工宴駕既散遣而家卒尚衆慮其為變輔臣集文華殿
書銘旌楊廷和乘間言於司禮太監魏彬溫祥等言彬罪難
貫彬雖與江彬有連然亦懼害同請於太后得旨以坤寧
宮上獸吻召彬與工部尚書李鏊行祭祭畢彬欲出太監張
承知其謀留彬餼飯外俄頃有旨收彬等彬微覺疾趨北

安門追擒之中外稱快時百官哭臨思善門吏部尚書王瓊
忽不見蓋瓊素附彬懼而走魏彬弟英所祈免也周琮亦邊
將得幸賜國姓 都督與彬聲勢相倚彬世蔚州衛指揮使
偉貌善騎射嘗征涿賊於淮揚中三矢不退游擊許泰甚稱
之上召見果強勇將也立拜都指揮充大同游擊入衛見
寵聯鑣接席無日不右左導 上巡游天下恨之千戶常洪
王銳俱稱彬肯使外苛索至是皆潛遁被獲付法司籍江彬
等家

高岱曰彬非有它能特倨強勇悍庸將耳其能恃權罷作

威福至此極者投 武宗之問耳非智略之過人也使其
少有奸雄之術則挾天子令諸侯之禍可立見矣夫挾震
主之威蒙赤族之罪而於 武宗乃安然歸卧私第又以
一介之使召之即入此與曹爽之釋兵謁天子而求歸老
私第者同一愚也乃若楊廷和梁儲輩當天崩地折之日
儲位久虛能不動聲色除虎狼於腹心肘腋間使帖然不
譁而卒斡乾坤於再造者雖 母后之賢主之於上而諸
臣調停鎮靜之功焉可誣哉雖然亦天將啟中興之運耳
近有為之說者曰逆瑾之亂政漢十常侍唐甘露之黨也

河北山東江西四川之寇漢黃巾唐黃巢之亂也寘鑄宸
濠之稱兵漢七國晉一王之孽也江彬之握兵漢何進召
董卓之釁也前代有一於此未或不亡正德間備是數者
而國家猶磐石之安謂非天命之有在耶信哉斯言不誣
也

詹濤曰司馬光以天地生財止有此數不在官則在民自
今日觀之不在官不在民皆在權貴貪黷之家也如正德
末籍彬江家黃金七十櫃每櫃千五百兩銀二千二百櫃
每櫃二千兩金銀雜首飾千五百箱此一人已爾况其他

輩合計之哉

工前以南京古今通集庫所貯宋朝鹵簿等圖并符驗鉄券
及諸錢糧文冊令右少監宗爾北翰呈是 太后仍令還南

京

壬申司禮太監溫祥內官太監劉養俞安禮部右侍郎顧清
及欽天監官科道各一卜山陵

甲戌 太后遣太監溫祥和惠安伯張偉兵部右侍郎楊
廷儀以三千人迎護 嗣唐戶部左侍郎斯宗仁兵部右侍
郎趙瓊督餉

四月初朔暫停廟享

辛卯禮部奉遺詔是日當除服以嗣君未至且勿除太

后從之

癸卯嗣君至京師



封